





ՇԱՐՔ ԸՆՏԻՐ ՊԱՏՄՈՒԹԵԱՆՑ

---

---

ՀԱՏՈՐ ԵՐՐՈՐԴ

---

ՎԻԼՀԷՄ

Կ Ա Մ

ՔՐԻՍՏՈՆԷԱԿԱՆ ՆԵՐՈՂԱՄՏՈՒԹԻՒՆ



ՇԱՐՔ ԸՆՏԻՐ ՊԱՏՄՈՒԹԵԱՆՑ

ՎԻԼՀԷՄ

Կ Ա Մ

ՔՐԻՍՏՈՆԷԱԿԱՆ ՆԵՐՈՂԱՄՏՈՒԹԻՒՆ

ՊԱՏՄԱԿԱՆ ՎԷՊ ԺԱՄԱՆԱԿԱԿԻՑ

ՓԻԼԻՊՊՈՍ ԵՐԿՐՈՐԴԻ ԿԱՅՍԵՐ ՍՊԱՆԻՈՅ



A. DEVEJIAN LIBRARY  
NEW YORK

Ա. ՏԷՎԵՋԻԱՆԻ ԳՐԱՏՈՒԿ

ՎԵՆԵՏԻԱ

Ի ՏՊԱՐԱՆԻ Ս. ՂԱԶԱՐՈՒԹ

1894

135  
8



832-2003

# Վ Ի Լ Հ Է Մ



## Պ Ա Տ Մ Ա Կ Ա Ն Վ Է Պ

Ժ Ա Մ Ա Ն Ա Կ Ա Կ Ի Ց

Փ Ի Լ Ի Պ Պ Ո Ս Ե Ր Կ Ր Ո Ր Դ Ի Կ Ա Ց Ս Ե Ր Ս Պ Ա Ն Ի Ո Ց

Գ Լ Ո Ի Խ Ա .

Հ Ա Ց Բ Ն Օ Ռ Լ Ա Ն Դ Ի Ն Ի



Ա Ն Դ քաղաքի մէջ Ս . Պետրոս անուամբ  
հին վանքին ժամացոյցն՝ դիշերուան ժամը  
ուժը կը հնչեցընէր : Այդէն քաղաքն և շրջա-  
կայք լուսթեան ու խաւարի մէջ ընկղմեր էին .  
և վանքին մէջ ուրիշ բան չէր լուսեր , բայց միայն  
քանի մը կրօնաւորաց միակերպ քայլափոխն , որք  
իրենց առանձնոցները կը քաշուէին :

Ամենայն Սրբոց մեծ տօնին նախընթաց երեկոյն էր .  
և վերոյիշեալ յարդելի կրօնաւորներն սովորականէն ա-  
ւելի զբաղումն ունեցեր էին խոստովանարանաց մէջ ,  
յորս ամեն հանդիսաւոր օրեր կը դիմէին քաղմութիւնք  
հաւատացելոց իրենց խղճին ծանրաբեռնութիւնները դը-



նեւու յոսս իրենց հոգևոր հայրերուն : Յատուկ առանձնաշնորհութեամբ՝ վանքին դռներն բաց կը մնային մինչև դիշերուան ժամը ինն՝ ամեն հսկման երեկոյ , որպէս զի ակելի դիւրութիւն տրուի այն անձանց՝ որք չէին կարող խոստովանելու գալ՝ բայց միայն օրական աշխատանքէ հանգստանալէ վերջը : Այն դիշեր ժամը ութին արդէն ամեն ոք մեկնած էր , և կրօնաւորք ալ մի առ մի դնացեր էին , բաց ի մէկէ մի՝ որ մնացեր էր եկեղեցւոյ մէջ : Այս անձն էր Հայրն Աւգոստինոս Օուլանդինի , խառլացի կրօնաւորն , որ քանի մը տարիներէ ՚ի վեր առանձնացեր էր Մոն-Բլանդէնի վանքը <sup>1</sup> , որոյ Աբբայն ընդուներ էր զինքը՝ համաձայն յանձնարարական թղթոյ Սրբադան Քահանայապետին Հռովմայ :

Հօրն Օուլանդինի խոստովանարանն կը գտնուէր մութ մատան մի խորը , որ Փրկչին խաչելութեան պատկերաւ՝ ընծայուած էր սուրբ և ցաւալից Չարչարանաց յիշատակին : Այս մատուռն ուրիշ տեղէ ըյս չունէր՝ բայց միայն եկեղեցւոյ դասին մէջ կախուած կանթեղէ մը , որ առ ինքն կը ձգէր եկեղեցի մտնողաց և կամ այն տեղ գտնուողաց ուշադրութիւնը , և միանգամայն կը ծառայէր ցոյց տալու եկեղեցւոյն զանազան դռները՝ դուրս ելնելու համար :

Արդէն երկու անգամ աւանդապահ եղբայրն՝ շարժելով բանալիներու ահադին օղահանդոյց մը , եկած աղաթ էր ծերունի կրօնաւորին՝ թէ եկեղեցին դատարկ էր , և թէ ոչ ոք այնուհետեւ պիտի գար խոստովանելու . « Թող զիս , եղբայր իմ , պատասխաներ էր միշտ խառլացին . զունչես կարող գիտեմ թէ իրաւքնէ մէկը խոստովանելու պիտի չգայ , որ ուշ մնացած լինի իւր աշխատանաց պատ-

1. Կանգի Ս. Պետրոս վանքն կը գտնուէր Հին ատեն քաղաքէն դուրս եղած Մոն-Բլանդէն բլրոյն վրայ :



Հառաւ և կամ զքաղուած լինի վաղուան տօնին պատ-  
 րաստութեամբ: Առ այժմ՝ ևս միայնակ մտաւորական ա-  
 ղօթից պիտի պարապիմ, և դու լաւ ուշ դէր որ եկե-  
 ղեցւոյն դռները չգոցես՝ մինչև որ լիուլի ժամը ինն  
 չլինի»: Ըստ պատշաճին այս խօսքերէս ազդարարուած՝  
 քաջուեցաւ աւանդապահն, և թողուց կրօնաւորն իւր  
 առանձին մտածմանց մէջ ընկղմած: Հայրն Օռլանդինի  
 այնպիսի մտածութիւններով զքաղուած, զորս կ'ազդէին  
 միայնութիւնն և սուրբ տեղւոյն լուսութիւնն ու մթու-  
 թիւնն, միացեալ մարդկային տկարութեանց ծանօթու-  
 թեան հետ, որք իրեն կը յայտնուէին յանուն Բար-  
 ձրեւոյն Աստուծոյ՝ սուրբ խորհրդարանին գաղտնեաց ներ-  
 քեւ, երբեմն երբեմն իւր միտքն ու սիրտը կը բարձրա-  
 ցընէր դէպ ի յերկինս, և կը խնդրէր ներուժն այն պա-  
 կասութեանց՝ զորս կրնար գործել ահաւոր խորհրդոյն  
 պաշտաման մէջ, որոյ մատակարարութիւնն իրեն էր  
 յանձնուած, և կը պաղատէր առ Աստուած՝ շնորհելու  
 իրեն՝ իւր խոստովանորդաց հետ ունեցած յարաբերու-  
 թեանց մէջ աստուածային վարդապետին հայրական  
 գթութիւնը և անճառելի քաղցրութիւնը:

Այսպէս իւր մտածութեանց մէջ ընկղմած՝ շիւսացաւ  
 եկեղեցւոյն դրան ձայնը, որ յանկարծ բացուեցաւ և  
 զարնուելով գոցուեցաւ, ինչպէս թէ մղուած լինէր  
 բուն շարժմամբ զողգոջուն ձեռքէ մը: Անհաստատ և  
 վախկոտ քայլափոխի ձայն՝ քանի մը մանրերկրորդ  
 լսուեցաւ եկեղեցւոյ միջավայրին մէջ, այնպէս՝ որ կար-  
 ծես զարհուրագին շրջահայեցութեամբ՝ ամենէն աւելի  
 ծածուկ անկիւնը փնտռէր: Յանկարծակի դիմեց այդ  
 անձնաւորութիւնն դէպ ի Չարչարանաց մատուռը, իբ-  
 րև այնպիսի տեղ մը՝ որ իրեն ապահովագոյն երևար  
 ծածկուելու համար. և խոստովանարանին մէջ թաղ-  
 նուեցաւ, ոչ եթէ ապաշխարողի նման՝ որ խոնարհի

սուրբ դատարանին առջև, այլ իբրև յանցաւոր մի՛ որ կը պահուըտի վախով զինքը հալածողաց հեռազօտութենէն, ըստ կարելոյն անկասկածելի տեղւոյ մէջ:

Ամենեւին մտքէն շէր անցներ՝ որ այնպիսի ժամանակ և եկեղեցւոյն դատարկութեան ատեն, պիտի դռնէր այն խոստովանարանին մէջ քահանայ մը: Իւր անդամոց դողդողալէն և ճնշուած կարճ և հատկիւեալ շնչառութենէն յայտնի եղաւ իւր սարսափն, երբ տեսաւ որ խոստովանութեան դռնակն կամացուկ մը բացուեցաւ, և կրօնաւոր մի՛ զոր ինքն յանկարծակի սթափեցուցեր էր մտածմունքէն, բարեգթութեամբ ծռեց իւր գլուխը դէպ առ ինքն, և ամփոփ ու երկխղած դիմօք պատրաստուեցաւ լսելու իւր մեղաց խոստովանութիւնը:

« Հայր իմ, հայր իմ », մրմնջեց արագութեամբ անծանօթն, նորա վերայ խորին զարհուրանօք լի ակնարկ մի ձգելով, և չհամարձակելով խօսքը վերջացընելու՝ լուռ կեցաւ: Իսկ կրօնաւորն լիցուցեր էր նախազատութեամբ և աղօթքը և Աստուծոյ գթութիւնը խնդրեր էր ապաշխարողին համար, երբ սովորական ձայնով և ոճով ըսաւ իրեն.

— Լա ուրեմն, որդեակ, պատրաստ եմ լսելու. առանց ակնածութեան կատարէ մեղացդ խոստովանութիւնը:

— Մեղանց, գուցե անծանօթն, որոյ մագլերն տընակուեր էին գլխուն վրայ. ո՛հ, այդ բանին համար չէ որ ես այս տեղ եկած եմ...:

— Ի՛նչպէս... խոստովանելու եկած չե՞ս, հարցուց կրօնաւորն. որ այն ժամանակ միայն անզբազարձաւ այն ահաւոր սարսափը՝ որ այդ մարդուն ամեն մէկ խօսքերը կը պարունակէին... Ուրեմն ինչո՞ւ համար եկած ես.

— Հայր իմ... ո՛հ... գթա՛մ վրաս... ազատէ զիս... ես հալածուած եմ Աւրայի դքսին արգարութենէն...

— Աւրայի՞ դքսին:

— Աւբայի գ. քսին՝ այս՝, հայր իմ... այս՝. եկեղեցւոյն դուռը բաց տեսայ, մտայ և ապաւինեցայ այս խոստովանարանիս մէջ:

— Այս խոստովանարանիս մէջ պահուրտելու համար, որդեակ իմ, այս տեղ կարող են գրեզ գտնել:

— Ո՛հ, Հայր իմ, ազատէ զիս, խօսք տուր որ զիս պիտի ազատես... ես ամեն բան քեզի պիտի պատմեմ... Աստուած իմ, Աստուած իմ... ո՛հ, եթէ զիս նայիր թէ ինչպիսիք ամենամեծ մեղաւոր եմ ..

— Որդեակ իմ, Աստուած արդար է, բայց նաև դրժած է, և երբեք մերժած չէ թողութիւն տալու:

— Կը հաւատաս, Հայր իմ, չկան ուրեմն այնպիսի մեղքեր որ անթողի լինին... բայց ես, Հայր իմ, ազազակ կը լսեմ. այս տեղ կու գան, գոչեց եզկելի վախճանական սարսուկով և ահաբեկած. ո՛հ, կորսուած եմ ես .. ազատէ զիս, ազատէ զիս...

Եւ իրաւցընէ վանքին մէջ ազազակ կը լսուէր, և ձայներու և ձիերու սմբակներու խուլ շառաչիւն մը:

— Մի՛ վախեր, պատասխանեց Հայրն Օսլանդինի. այս խոստովանարանիս մէջ մնայիր. ոչ ոք պիտի համարձակի բնաւ խոստովանարանի սրբութիւնը սղծելու, և եթէ կը համարիս որ կրնաս անկեղծ խոստովանութեամբ յանցանացդ՝ թեթեցընել սրտիդ ծանր բեռը, պատրաստ եմ լսելու՝ յանուն Յիսուսի Քրիստոսի և քու երկնաւոր բարեզութ չորդ:

— Ո՛հ, Հայր իմ, չեմ գիտեր թէ այդպիսի խոստովանութիւն մի կարելի՞ է ինձ համար... Երկայն ժամանակ է որ... և հիմա ալ սիրտս բոլորովին անպատրաստ է...

— Որդեակ իմ, Աստուած լի է ողորմութեամբ, թող դորժած մեղքերդ ծովու աւազներուն հատերէն աւելի լինին, անկեղծ զղջմամբ թափուած մի միայն արցունք

բաւական է գանոնք ջնջելու: Որդեակ իմ, շարունակեց բարի կրօնաւորն՝ անպատմելի գլխոյ զգացումն ազդող սրտաշարժ ձայնով մի, լի սրտի յուզմամբ և բարեպաշտութեամբ, յանուն այն Աստուծոյն՝ որ խաչին վրայէն ներեց իւր հայհոյիչ շարձարողաց և դահճաց, կ'ըսեմքեզի, խօսէ և մի վախեր. Յիսուս Քրիստոս սիրոյ անգունդ մ'է...

— Կ'ուզե՞ս դու որ խոստովանիմ, Հայր իմ, դու կ'ուզե՞ս, գոչեց մէկէն անձանօթն, քանի մը կաթիլ ջերմն ցաւոց արտասուք թափելով. շատ լաւ, ուրեմն... ես եմ...

Անձանօթն իւր ըսելէքքը ցած ձայնով շարունակեց: Քիչ յետոյ սաստիկ ազաղակ լսուեցաւ եկեղեցիէն դուրս: Ազաղխարողը սարսափէն լուռ մնաց. և եթէ մթութիւնն այնքան թանձր չլինէր՝ կարելի էր տեսնել նորատնկուած մագերը և վախէն դեղնած և կնճռած ճակատը: Քանի մը վայրկենէն եկեղեցւոյն մեծ դուռը բացուեցաւ, և լուսափայլ ճառագայթներ մէկէն նորահին և ընդարձակ միջնադարից պայծառացուցին: Ազդեցնաւորաց <sup>1</sup> քաղմատիւ գունդ մի. որոց կ'առաջնորդէին սպայ մի՝ զինուած ամեն տեսակ զէնքերով և շատ մը ջահակիր կրօնաւորներ, մտան սրբալայրը՝ յանդուզն և մրանգամայն պատկառոտ դիմօք:

— Կը տարակուսիմ, ըսաւ կրօնաւորներէն մին ծանր ձայնով, խօսքը դէպ ի սպայն ուղղելով, կը տարակուսիմ, պարոն աստեա, որ ձեր խուզարկած անձն այս տեղ կարենաք գտնել. եկեղեցին արդէն փակուելու վրայ էր. և եթէ այս տեղ զիտուածով գանուի մէկն՝ շատ

1. Առէ՞նա՞որք կը կոչուէին նոյն դարուն մէջ՝ արդարութեան ատենին խուզարկու պաշտօնեայք կամ զինուորք:



շատ Հայրն Օսլանդինի խոստովանորդուցմէ մէկը պիտի լինի...

— Ես չեմ հակառակիր որ ձեր բաժն իրաւացի չըլինի, պատասխանեց սպայն՝ նշան ընելով աղեղնաւորաց յառաջ երթալու. բայց վանքը մտնելէն առաջ մեր ընդունած տեղեկութիւններն այնքան մանրամասն են, որ կարելի չէ հաւատաք թէ սխալ լինին այդ ծանօթութիւններն: Ախէ՛մ կոմսն այս տեղւոյս մօտ տեսնուեր է. և իրաւցընէ, արդոյ Առաջնորդ, չեմ կրնար երեւակայել թէ ո՛ւր արդեօք կրնայ պահուրտած լինելէ թէ ձեր եկեղեցւոյն և կամ վանքին մէջ չլինի. ուստի դուք թոյլ տուէք մեր խուզարկութիւնն առաջ տանելու:

— Ինչպէս որ կը փափաքիք, պարօն ասպետ, այնպէս ըրէք: Մեր Աբբայն ձեզ թոյլատրեց վանքի մուտքը, և դուք ազատ էք ամեն կողմ ման դալու. ո՛ւր որ ուզէք պատրաստ եմ ձեզ առաջնորդելու:

Սպայն թեթե կերպով դուրսը խոնարհեցուց իբրև ի նշան շնորհակալութեան առ Առաջնորդն, որ տարաւ զինքը եկեղեցւոյն միջին կամարակապին մէջ և այն տեղ ազատ թողլով սպայն՝ ծունր դրաւ դասին մէջ դանուած աղօթարանի մը վրայ, սպասելով որ աղեղնաւորք և իրենց սպայն եկեղեցւոյն մէջ շրջան ընելով խուզարկութիւննին աւարտեն: Աղեղնաւորք շատ չուշացան հասնելու այն մատրան՝ ուր փախտականն անշարժ իւր սարսափէն՝ կարծես ջղաձգական դողով պինդ բռնեք կտեր էր խոստովանարանին, ինչպէս թշուառ նաւաբէ կեալ մի այն տախտակին՝ որ զինքը չրոյն երեսը կը բռնէ:

Նոյն իսկ Հայրն Օսլանդինի, որ գլխարտութեան զգացմամբ այն թշուառին հետ կապուած էր, ազատ չէր տեսակ մի սրտնեղութենէ, լսելով աղեղնաւորաց քսյլափոխերը և ջահերու լոյսը տեսնելով, որք արդէն իրենց փայլը ձգեր էին կրօնաւորին մութ խոստովա-

նարանին վրայ: — « Ո՛հ, Աստուած իմ, ահա եկան .  
 ես կորսուեցայ... Հայր իմ, Հայր իմ, մի Լքաներ զիս »,   
 մրմննեց խղզուկ ձայնով մի ազաշխարողն: Այս վայր-  
 կենին ջահերը բոլորովին լուսաւորեցին մատուռ-  
 քայց խոստովանարանն զեռեղուած լինելով մատրան  
 սեղանոյն դէմ առ դէմ, նորա միայն առջևի մասը  
 կ'երևար՝ որ դատարկ էր. մինչդեռ միւս անկիւնն՝ որ  
 մատրան դէպ 'ի խորն էր, կը ծածկուէր իւր մէջ զըտ-  
 նուած անձնաւորութեամբ՝ խոստովանարանին այն դուրս  
 ցցուած մասէն, որոյ մէջ կը դանուէր քահանայն: Այն  
 ասին Հայրն Օւլանդինի՝ գլուխը դուրս հանելով՝ ծանր  
 և խիստ ձայնով հարցուց, թէ ո՞վ էին այն յանդուգ-  
 ներն՝ որք կը համարձակէին այն կերպով խառնակել  
 Աստուծոյ տունը և նորա տաճարին վսեմ՝ լուսթիւնը  
 սղծել: — Կրօնաւորին պատկառելի գլուխը տեսնելով,  
 և նորա քաղցր քայց միանգամայն ծանր ձայնէն աղ-  
 դարարուած, միայն սղայն մտեր էր մատրան մէջ, որ  
 և ինքզինքն արդարացընել ուզելով, ըսաւ .

— Ամենամեծ յանցաւոր մի կը փնտռենք, որ փա-  
 խած է նորին ուղղափառ կայսերութեան արդարու-  
 թենէն:

— Հանգարա թողէք զմեզ, պարոն, պատասխանեց  
 կրօնաւորն, և մի շփոթէք զմեզ մեր սրբազան սաշտա-  
 ման մէջ:

Սղայն չհամարձակեցաւ ուրիշ բան ըսելու, և առանց  
 քայլափոխ մ'ալ աւելի յառաջ գնալու՝ ետ քաշուեցաւ .  
 և շուտով մնացած տեղերն՝ ալ խուզարկելով դուրս ե-  
 լաւ եկեղեցիէն իւր գնդին և իրեն հետ եկող կրօնա-  
 ւորաց հետ: Անծանօթն աղատուած էր զարհուրելի բե-  
 ոսանէ մը. և միացընելով երկու ձեռքերը բոլորովին  
 յուզուած և հեծկլտալով՝ քանի մը հատկեալ բառերով  
 յայտնեց իւր սրտին բովանդակ զգացումը:

— Շնորհակալ եմ, Հայր իմ, շնորհակալ եմ, դուչեց. դուք ինձի համար պահապան հրեշտակի պաշտօն կատարեցիք. ձեզի պարտական եմ կեանքս ալ, ազատութիւնս ալ, և ասոնցմէ աւելի՝ ձեզի պարտական պիտի լինիմ նաև խղճմտանքիս խաղաղութիւնն ալ:

— Աստուծոյ շնորհակալ եղիր, որդեակ իմ, պատասխանեց կրօնաւորն. դուն մեղաւոր էիր և ինքն քեզի ժամանակ կը շնորհէ զզջալու և եղերանդ դարման տանելու:

— Ո՛հ, ո՛չ, Հայր իմ, իմ եղերանս դարման ընել ուրիշ կերպով կարելի չէ, բայց եթէ արտասուեալով, եղեանազործութիւնս կատարեք լիցուցեք եմ, և զոչն այս աշխարհիս մէջ չէ, և երկնքէն՝ ուսկից կը տեսնէ իմ խղճի խայթերս, միայն երկնքէն կընայ ինձի ներուժն շնորհել: Հայր իմ, այս վայրկենիս կարգէ դուրս սրտի յուզման մէջ կը գտնուիմ, և չեմ կարող իմ դարձիս գործը լիցընել: Կը փափաքիմ նախ և առաջ կենացս թշուառ պատմութիւնն ընել ձեզ. ձեզի պարտական եմ կեանքս, և կը փափաքիմ որ գիտնաք ո՛վ է այն թշուառականն՝ առ որ դուք այսպիսի մեծ բարեք ըրէք:

Հայրն Օռլանդինի ոտք ելաւ, և ըսաւ անձանութիւն. « Եկուր իմ սենեակս, և այն տեղ քեզի կարելի կը լինի փափաքած մանրամասն տեղեկութիւններդ ինձ հաղորդել »:





## ԳԼՈՒԽ Բ.

### ԿՈՄՍԵ ՎԻԼՀԷՄ ՎԼԱԳԵՍԼՈՒ



**ԱՌԱՏՅ** խօսելու դէպ 'ի վանք գնացին, և հագիւ թէ կրօնաւորին սենեակը մտան, անծանօթն այս խօսքերով սկսաւ իւր պատմութիւնը.

— Ծնողքս Բրիւզ քաղաքին ազնուական դասակարգի ընտանեաց մէջ նշանաւոր են. լսած լինիք գուցէ վլադիսլու անունն...

— Վլադիսլու<sup>2</sup>, մէկէն գոչեց կրօնաւորն՝ սաստիկ յուզմամբ այլայլած ձայնով, և դո՞ ևս, դու...

— Վլադիսլու կոմսին, Աղոլի վանդէր Օպսարէտէնի որդին, վրայ բերաւ ապաշխարողն, զարմանալով Հօրն Օսլանդինիի խօսքերէն արտայայտուած յուզման վրայ:

— Վիլհէմ. գոչեց դարձեալ կրօնաւորն, իբրև անթիւ խորհրդաւոր և հեռաւոր յիշատակաց բեռան մի ներքև ճնշուած. վիլհէմ... Արդարութիւն երկնից...

— Այդ իմ անունս է, այո՛, այդ է անունս, Հայր իմ, վրայ բերաւ ապաշխարողն, առաջին անգամէն աւելի զարմանալով այն տարօրինակ յուզման վրայ՝ զոր այդ ծանօթութիւնն ազդեր էր կրօնաւորին: Հայր իմ, հարցուց նա վրդովուած ձայնիւ, դուք զիս կը ճանաչէք, դուք ճանչցեր էք իմ ընտանիքս...

— Այո՛, որդեակ իմ, պատասխանեց կրօնաւորն՝ քիչ մը հանգարտելէ վերջ և աւելի տխուր ձայնով. քու անունդ մտացս մէջ արթընցուց քանի մը յիշատակներ

մանկութեանս, երիտասարդութեանս... Ես ճանչցեր եմ քու պատուական յարգելի հայրդ...:

— Աւանդ. արդեօք պիտի կարենամ սրտիդ մէջ վրաս գլծոյ կաթիլ մ'անդամ մնալ, երբ դիտնաք թէ ինչպիսի եղերամբք անպատուեր եմ ես այդ յարգելի անունը, և ազտեղեր եմ խղճմտանքս...:

— Որդեակ իմ, մի վախեր. Աստուծոյ զթութիւնն անհուն է, և դու ինծմէ ուրիշ բան մի յուսար, բայց եթէ քաղցրութիւն խղճմտանացդ զառնութեանց և դիւրութիւն փրկութեան ճանապարհին:

— «Ո՛հ, շնորհակալ եմ, Հայր իմ, ձեր տուած սուրբ մխիթարութեանց: Երկար տարիներէ 'ի վեր սիրտս բորբոքեալ հնոցի կը նմանէր, բայց ձեր խօսքերն ինծի այսօր կը թուին իբրև քաղցր և զովարար ցօղ մը. ո՛հ, ինչպէս պատրաստ է սիրտս յայտնելու ձեզ հիմա իւր նաև ամենախոր վէրքերը, թէպէտև զարհուրելի լինին: Հայր իմ, ասկէ քսան տարի առաջ՝ ես Ալուիս Վլադեսլու կոմսին երկրորդ որդին էի. այն ժամանակ ինծմէ շատ տարիներով աւելի մեծազոյն եղբայր մ'ունէի, որ անդրանկութեան իրաւամբք՝ պիտի ժառանգէր մեր ընտանեաց հարստութիւններն և պատիւները: Փիւլիպպոս (այս էր եղբօրս անունն) դեղեցիկ էր, բարեկազմ, լի առաքինութեամբք և հաճելի ձիրքերով, որով ամեն զինքը ճանչցողներուն սիրելի կը լինէր: Մտաւորական մեծ զարգացման հետ՝ ունէր նաև ամենաջերմ բարեպաշտութիւն և ամենաքարծր արիւթիւն: Գեռ երիտասարդ ժամանակ՝ Աարոլոս Ե. կայսեր հետ պատերազմի մտնելու պատիւն և զինքը մարտակուոյ մի մէջ պաշտպանելու բախտն ունեցեր էր, նորա տեղ վէրք ընդունելով: Այսպէս ամեն մարդ զինքը կը սիրէր և պատուէր, և հայրերնիս՝ Վլադեսլու կոմսն՝ պարծանօք կը ցուցընէր զինքը ամենուն իբրև իւր անուան ժառանգորդ:

« Թեպէտ և Փիլիսոպոս շրջապատեալ էր այնքան բարեւեր և մեծարող անձերէ, բայց այն ատեն՝ նոյն իսկ իւր ընտանեաց մէջ կար մէկ մի՝ որ իրեն դէմ մահացու ատեկութիւն ունէր: Այդ մէկն՝ ես եմ. այն, Հայր իմ, ես ինքս. և դուք լացէք իմ թշուառութեանս վերայ...: Ո՛րքան եղբայրս համեստ և աղնուասիրտ էր, այնքան ալ ես հզարտ և նախանձոտ. կը նախանձէի նորա հանճարոյն, նորա սիրելի ձիրքերուն, նորա ամենէն ընդունած յարգանաց և սիրոյն. սրտի կատաղութեամբ կը լսէի իրեն տրուած գովեստները, և ցաւօք կը մտածէի այն ամեն պատուանուանց և ամեն ժառանգութեանց վրայ, զորս նա պիտի վայելէր և ես պիտի զրկուէի: Կ'անիծէի ես բախտին անարգարութիւնը, որ ամեն բան շնորհեր էր եղբօր մի՝ զոր ես կ'ատէի: Կ'անիծէի ես իմ թշուառութիւնս՝ առանց մըտածելու որ անոր ծագումն իմ չարակամութեանէս, իմ վատ բնասորութեանէս յառաջ կու գար, քան թէ ըստ ինքեան իմ վիճակէս: Այդ զիս կեղեքող նախանձով կուրացած և փառասիրութեամբ բողբոլիւն փքացած՝ չէի իմանար որ վիճակաց անհաւասարութիւնն Նախախնամութեան ամենէն իմաստուն կարգադրութիւններէն մին է, որով կը պահպանուի մարդկային ընկերութիւնն. իմ ախտերս՝ որոց դէմ ամենևին մաքառիլ չէի ուզեր, արգելք կը լինէին ինձ խորհրդածելու՝ որ եթէ ես եղբօրէս օտորնապոյն էի, ինքն ալ դեռ շատ մարդիկ ունէր իրմէ վերագոյն՝ մարդկային ընկերութեան սանդղամատանց վրայ, և թէ ինձմէ ցածագոյն դեռ հազարաւորք կային, որք կարող էին նախանձիլ իմ բախտիս վրայ, եթէ երբեք այդ անարգ կիրքը իրենց սրտին մէջ սնուցանէին: »

« Երիտասարդութեանս առաջին տարիներն այսպէս սահեցան ամեն տեսակ նախանձու տանջանք. բայց ես

այնքան կը կեղծէի սրտիս զգացումները՝ որ դրսէն բընաւ ազեղ նշան մի չէի ցուցըներ, այլ այդ տանջանքներն ես ինձ համար ներսս կը պահէի, և արտաքին սիրոյ երևութի ներքե՝ եզբօրս նկատմամբ այնպիսի առեւտրութիւն կը սնուցանէի՝ որ սարսափելի եղեւնազօրածութեամբ պիտի կնքուէր: Գրեթէ քսան և հինգ տարեկան էի, երբ հայրս իմացուց որ մտադիր էր անդրանիկ որդւոյն հարսնախօսութիւնը կատարելու, և թէ մեր ընտանեաց փառաւոր անունը շարունակել տալու համար՝ առաջարկած էր Բրէյնը-Լալլէնզ իշխանին՝ ընդունելու նորա դստեր հաւանութիւնը Փիլիպպոս եղբօրս համար: Ես ուրախակից կը լինէի չօրս և եղբօրս այդպիսի գեղեցիկ զուգութեան մի մտածութեան համար. բայց ներքսապէս կ'անիծէի ես այնպիսի ամուսնութիւն մի, որ իթէ կատարուէր՝ ինձմէ կը յախշտակէր նաև այն յետին յոյսն՝ զոր կրնայի ունենալ օր մի՝ չօրս ժառանգ լինելու: Փիլիպպոս այն ատեն երեսուն տարիէն աւելի ունէր: Կրնաք երեակայել իմ բուռն կատաղութեանս կիրքը՝ երբ քիչ ժամանակէ վերջը՝ տեսայ որ նամակ մի հասաւ՝ կնքուած Բրէյնը-Լալլէնզ ընտանեաց գինանշանով, որ չօրս կ'աւետէր՝ թէ իշխանն յանձնառու կը լինէր շնորհելու Փիլիպպոս եղբօրս իւր զղեկին մուտքը:

« Դուտով մեկնեցանք՝ հայրս, մայրս, եղբայրս և ես դէպ 'ի Հէնոյ դաւառն, ուր կը դառնուէին իշխանին կալուածներն: Ամենաշքեղ հիւրընկալութեամբ ընդունուեցանք. և Բրէյնը զղեակը կեցած ամբողջ ժամանակնիս փառաւոր հանդէսներ տեղի ունեցան, որոցմէ վերջը կատարուեցաւ օրհորդ իշխանուհոյն հարսնախօսութիւնն՝ Փիլիպպոս եղբօրս հետ: Տեսնելով Մարիամու գեղեցիկ կատարելութիւնները, ճանաչելով նորա առաքինութիւնները, նորա հրեշտակային քարեպաշտութիւնը, գթասրբ-

832-2003



առութիւնն և բարեգործութիւնը, այս ամենն աւելի ևս  
 սասակացոյցին սրտիս մէջ և զբօսս դէմ ունեցած նախան-  
 ձու հնոցը :

« Պսակազրութիւնն որոշուած էր քիչ ժամանակէ  
 վերջը կատարուելու, որ իմ փափաքանացս հակառակ՝ ա-  
 րազ արագ կը մօտենար, երբ յանկարծակի Բրէյնը-Լալ-  
 լէնզ իշխանուհւոյն մահն, որ օրիորդ Մարիամու մայրն  
 էր, արգելք եղաւ պատրաստութեանց, և ժամազրու-  
 թեան՝ կէս տարի յետաձգուելու պատճառ եղաւ : Այս  
 խախտման յաջորդեց ուրիշ մ'ալ՝ որ զիս ուրախու-  
 թեամբ լեցուց, իսկ և զբօսս ամենախորին տիրութեան  
 առիթ եղաւ : Կայսրն յանձնեց իրեն ամենակարեւոր  
 նուիրակութեան մի պաշտօն Սրբազան Քահանայապե-  
 տին մօտ. որով հարկ էր Հոովմ մեկնիլ : Միայնակ չ'եր-  
 թալու նպատակաւ՝ խնդրեց ինծմէ որ իրեն ընկերեմ :  
 Այս առաջարկն ես կարգէ դուքս հաճութեամբ ընդու-  
 նեցայ, միտքս դնելով որ կարենամ այնպիսի մ'ընցներ  
 գտնել՝ որով իրեն չկարծածին չափ խտալիոյ մէջ մնար :

« Ճամբայ ելանք՝ հրաժարական ողջոյն տալով ձօրս,  
 մօրս, ինչպէս նաև Լալլէնզ իշխանին և նորս պաշտելի  
 դստեր : Ուղեորութիւննիս յաջող և արագ եղաւ : Քա-  
 հանայապետը Բուլոնիա քաղաքին մէջ դատնք : Փիլիպպոս  
 իւր նուիրակութեան գործը այնքան իմաստութեամբ և  
 ազնուական քաղաքագիտութեամբ զլուխ տարաւ, որ  
 թէ քահանայապետական և թէ կայսերական արքունեաց  
 լիուլի գովեստից արժանացաւ : Բայց կարուես Ե. կայս-  
 րէն յանձնարարուած քանի մի գործեր՝ դեռ և զբայրս  
 խտալիոյ մէջ կը բռնէին : Քահանայապետին հետ ուղեկից  
 եղանք դէպ 'ի Հոովմ : Ես կը փափաքէի որ այդ գործերն  
 երբեք վերջ չունենային. բայց քանի մը շաբաթ Հոովմ  
 կենալէ վերջը, Փիլիպպոս իւր գործերը լաւ մը կարգի  
 դնելէն յետոյ՝ իմացուց որ պիտի մեկնիմք : Զարհուրելի

մտածութիւնք զիս կը խղիւղէին . կարգէ դուրս կ'ատէի  
 եղբայրս . ամեն բան աչք առեր էի՝ միայն թէ կարենայի  
 նորա դէպ 'ի Փլանդերա վերադարձը խափանել . և չէի  
 կարող որոշել թէ ինչ հնարք բանեցընեմ որ առանց կաս-  
 կածի ենթարկուելու՝ իմ նպատակիս հասնէի :

« Գիտուածն՝ կամ լաւ ևս բահմ՝ չարագործ սատանան  
 առջևս հանեց պարագայ մի :

« Մեր ճամբայ ելլելիք օրէն քանի մ'օր առաջ՝ Պոմպիւ  
 լիանի մարկիզն հրաւիրեց զմեզ շքեղ հանդիսի մը , որ  
 պիտի կատարուէր իւր Վելլայի՞ մէջ , Հռովմէն քանի մը  
 մղոն հեռաւորութեամբ : Ատելութիւնս այնքան սաստիկ  
 էր՝ որ չէի կարող եղբօրս ուրախութիւնը տեսնել՝ ա-  
 ռանց սրտի յուսահատութեան ենթարկուելու : Պատ-  
 ճառ բերի տկար լինելս՝ մարկիզի հրաւերքը չընդունելու  
 համար . և Փիլիպպոս միայն դնաց հանդիսին : Երկու  
 օր քացակայ պիտի գտնուէր : Առաջին օրուան իրիկունը՝  
 երբ Հռովմայ անմարդի կողմերէն շրջագայելէ՝ ես կը  
 դառնայի , միշտ ինծի հետ կրելով դժօխային մտածու-  
 թիւններս , որք վայրկեան մ'ալ զիս հանդիստ չէին  
 թողուր , յանկարծ վրաս յարձակեցան երկու աւազակ-  
 ներ , իւրաքանչիւրն առ իս ուղղելով իրենց փոքրիկ  
 ատրճանակներուն փողերը և քսակս սահանջելով : Զի-  
 բենք տեսնելով՝ ոչ միայն չսարսափեցայ , այլ մէկէն  
 քսամենի ուրախութիւն դգացի . դարձուրելի մտածու-  
 թիւն մը միտքս ընկաւ : Հանեցի քսակս , և մէջն ե-  
 դածը ցուցընելով աւազակաց՝ իրենց տուի , և հարցուցի  
 թէ կը փափաքէին արդեօք քսանապատիկ այնչափ վաս-  
 արկիլ : Վսցրենի փայլ մ'իրենց աչաց մէջ շողշողաց . . .  
 կը դողամ ես միտքս բերելով հիմա այդ առեղի յիշա-  
 տակը . . . : Այդ մարդասպանք՝ որ ամեն բան ոսկւոյ  
 համար կը կատարէին՝ մէկէն 'ի մէկ հասկըցան իմ խոր-  
 հուրդս : Ըստ կարեւրոյն նկարագրեցի իրենց Փիլիպ-

պոսի նշանները, և երդումն ընել տալով՝ որ դադանիք պահէին և զինքը Տէջտեղէն վերցընէին, յայտնեցի իրենց նաև եղբօրս և Պոմպիլիանի մարկիզին սնունդները, ուրոյ մօտ կը գտնուէր, յանձնարարելով՝ այնպէս գործ տեսնեն՝ որ բնաւ մարդ չիմանայ կամ անդրադարնայ: Այս պայմաններով խոտաացայ տասն հազար Դոն-Կոթ բաժնեկու իրենց, գործը կատարուելէն երեք օր վերջը՝ նախանշանակեալ պանդոկի մը մէջ: Երբ մենք այս ամբողջ եղևոնական դաւի մասին համաձայնեցանք, տուն վերադարձայ և անկողին մտայ, ձեացընելով իբր թէ սաստիկ ջերմէ բռնուած լինիմ: Սենեկապանս զնայ բրձիչ կանչելու: Զգացած կարգէ դուրս յուզումս կարծեւ տուա բժշկին, թէ իրաւցընէ հիւանդ եմ. ուստի յանձնարարեց որ հանգիստ մնամ և մեղմիչ քմակիւններ օրինադրեց: Երկրորդ օրն ամբողջապէս անկողին մնացի: Այն սրանեղութիւնն՝ որով վայրկենէ վայրկեան կը սպասէի եղևոնական գործոյս յաջողութեան լուրը լսելու՝ ստուգիւ հիւանդի մը արտաքին կերպարանք կուտար ինծի, և մեր ուղեկից ծառայք, զորս եղբայրս մօտս թողուցեր էր, ինծի կ'երևէր թէ անհանգիստ էին վիճակիս վրայօք:

« Գիշերուան դէմ բազմութիւն կառայ մեր իջևանին զբան առջև հասան: Սենեկապանս փութաց իմաց տալու ինձ որ Պոմպիլիանի մարկիզն եկեր էր. ևս զարմանք ցոյց տուի: Մի և նոյն վայրկենին ձայն տուին որ ինծի կու գայ նորին մեծութիւնն՝ Պոմպիլիանի մարկիզն և նորին վսեմափառութիւնն կարդինալ կոչուննա: Երկուքն ի միասին մտան ննջելու սենեակս: Զիրենք տեսնելուս պէս՝ մէկէն ելայ նստայ անկողինս մէջ և ճմաւրիտ տազնազով սրտի, որոյ պատճառն իրենց կարծածէն բոլորովին տարբեր էր, սկսայ կանչել. « Դո՛ք, տեարք, այ՛ս տեղ և այ՛ս ժամուս... Ո՛հ եղբայրս, ո՛ր է եղ-



բայրս... » : Երկուքն ալ իրարու երես նայեցան այլայլած դէմքով. բոլորովին գոյներնին նեակեր էին . կարծես իրարու խորհուրդ կը հարցընէին : Այն ասան ևս դեռ աւելի սրտի յուզումն կեզծեցի . « Եղբայրս , եղբայրս , ազնիւ Փիլիպպոսս , ո՛հ , ըսէք ինձի ո՛ր է , ի՞նչ եղեր է » կը գոչէի , այնպիսի շարժումն ընելով իբր թէ ինքզինքս անկողնէս վար ձգել ուզէի : « Աստուծոյ սիրոյն համար՝ հանդարտ կեցիր , սիրելի պարոն՝ բնաւ կարգինալն , կ'ըսենք քեզի... ամենազառն դժբախտութիւն մ'է կողածը » : — « Աստուած իմ , կը գոչէի ևս , արդեօք հիւանդ... » : — « Եւ ամենածանր » պատասխանեց նուրին վսեմապիառութիւնն , այս կերպով խօսքին սկիզբն տալով սարսափելի դժբախտութիւնն ինձ յայտնելու համար : Վերջապէս , Հայր իմ , բաւական է որ ըսեմ՝ թէ արտաքսապէս ամենազառն ցաւոց ցոյցերով՝ իմացայ քստմնելի սրտահաճութեամբ՝ որ առաւօտուց 'ի վեր խեղճ եղբայրս Պոմպիլիանի վէլլայի՞ն ծառաստանին մէջ շրջագայելու գնացած լինելով՝ այլ ևս չէր երեւցած : Դըզեկէն քիչ հեռու դտեր էին իրեն գլխարկը և արիւնաւ թաթախ սրոյ կապարանը , որոց տեսիլն՝ մարկիդի տունը գտնուողաց ամենուն վրայ սոսկումն քերած էր : Դադրեցուցեր էին հանդէսը . և ինչ խուզարկութիւն և հետաքըն նութիւն որ կատարեր էին մինչև գիշերը՝ բնաւ արգիւնք չէր ունեցած : Վերջապէս համոզուեր էին թէ Փիլիպպոս սպանուած էր . և բնաւ կարելի չեղաւ որ իմանան թէ ի՞նչ պատճառէ մղուած էին մարդասպանք : Մարկիդն՝ որ իմ հիւանդ լինելու գիտէր՝ նոյն օրուան իրիկունը Հռովմ հասեր էր . և քանի մը ժամ այս դժբախտ դէպքին վրայօք դանազան անձանց հետ խօսակցելէ վերջը , խնդրած էր կարգինալ կողոննայէն որ քարեհաճի այս տխուր լուրն ինձ տալու պաշտօնն ստանձնել :

« Քանի մ'որ արտաքոյ կարգի զգածուած երեցուցի

ինքզինքս : Հրաման արուեսցաւ . Հոռովայ բոլոր քաղաքապահ զինուորաց՝ ոտք ելլելու և մարդասպանները գտնելու . և ես ինքս մասամբ մի այդ խուզարկութեանց ուղղութիւն տալ կը ձեռացընէի : Ամիս մ'անցաւ վրան , այլ ևս տարակոյս չմնաց նորա ստուգիւ մեռած լինելուն : Սրբազան Քահանայապետն հրամայեց որ Հոռովայ բոլոր եկեղեցեաց մէջ եղբօրս հոգեհանգստեան սաղարանք կատարուին . որոցմէ վերջը ճամբայ ելայ Փլանդրա վերադառնալու համար : Պատէն առ կայսրն ուղարկուած սուրհանգակ մի՝ գոյժ տարեր էր արդէն նորա նուիրակին դժբախտ կատարածին և անյայտանալուն վրայօք . մի և նոյն սուրհանգակին յանձներ էի և ես՝ նամակներ ընտանեացս համար : Նորին կայսերական վեհափառութիւնն՝ կարօրոս Ե . կարգէ գուրս վըրտացած էր այս դժբախտ արկածին համար , և ինքն անձամբ ուզեր էր իմացընել դայն ուղղակի ձօրս : Մայրս այդ տխուր գոյժը լսելով՝ ցաւէն մեռած էր . և եթէ հայրս ինքն ալ չմեռաւ՝ գուցէ մեռնէին առաջ զիս տեսնելու փափաքն՝ զինքը գերեղմանին եզերքը բռնեց :

« Ես իւր ցեղին վերջին յոյսն էի . և երբ զիս տեսաւ , զիս՝ որ եղեռնագործ սպանող էի եղբօրս , գըրկիս մէջ մարեցաւ : Ես ալ իրեն հետ կու լայի . սրչափ որ կարող էի՝ կեղծեցի այն ահաւոր խղճի խայթերը որ զիս կը կեղեքէին : Քանի մը շաքաթ վերջը՝ հայրս իմացուց որ զիս ամուսնացընել կ'ուզէր , և թէ խնդրեր էր Բրէյնը-Լալէնգ իշխանէն՝ որ այն խոստումն որ Փիլիպպոսի համար ըրած էին՝ նոյնը ինձի համար եղած համարէին : Ես խորշումն կը զգայի հարսնացընելու ինձ եղբօրս նշանածը . բայց Վլադեսլու կոմսն շուտով իմ կեղծ խղճմասնքս հանդարտեցուց : Մարիամ իշխանուհի օրիորդն՝ որ եղբօրս նշանածն էր , ինձ նկատմամբ ցուրտ անտարբերութիւն մ'ունէր : Իւր սիրելւոյն մահը ող-

բալէն վերջը՝ կ'ուզէր ամուսնանալէ հրաժարիլ. բայց միայն հօրը հնազանդելու համար յանձն առաւ ինձ հետ ամուսնանալ. որովհետեւ բարեպաշտութեան և իմաստութեան հետ՝ կը սիրէր իւր հայրը ճշմարիտ սիրով: Վերջապէս Փիլիպպոսի մահուանէն տասնևութ ամիս յետոյ՝ կատարուեցաւ մեր ամուսնութիւնն իշխանին զղեկին մէջ. և եթէ չլինէին խղճի խայժերս, որք մանաւանդ այն ատեն արթնցան՝ առանց սյլ ևս թմրելու, ես մարդկանց ամենէն երջանիկն պիտի լինէի:

« Դասեր մը ծնունդն սրտիս փափաքները պատկեց, և յոյս տուաւ հօրս՝ որ իւր ցեղը պիտի շարունակուէր: Քիչ վերջը մեռաւ նաև հայրս, և իւր մահուամբ ընտանեացս հարստութեանց հետ՝ թողուց ինձի նաև այնքան փառասիրութեամբ փափաքածս՝ վլադիմիր Կոնստանտինը, զոր զղուելի ոճրագործութեամբ ստացեր էի: Այն ժամանակ ուղած ամէն փափաքանացս հասեր էի, բայց սրչափ հեռու կը գտնուէին երջանկութենէ. խղճմտանքս վայրկեան մ'ալ ինձի խաղաղութիւն չէր շնորհեր: Օրուան մէջ հազարումէկ փառասիրութեան մտածմունք զիս կը շարշարէին, և գիշերները երազիս մէջ կ'երևէր Փիլիպպոս եղբայրս, որ վերքերը ցուցնելով ինձի՝ երեսիս կը գարնէր ահաւոր կերպով իմ բրած վատ դաւաճանութիւնս: Շատ անգամ ցուրտ քրքրատինքով պատած՝ կ'արթննայի, և հօգեվարի պէս դըժուարութեամբ խռալով հազիւ կրնայի շնչել: Կինս ահաբեկած կը հարցունէր թէ ի՞նչ ունէի. իսկ՞ Մարիամ, միթէ կրնար կասկածիլ անգամ թէ ես իրեն նշանածին սպանողն էի:

« Ոչ փառասիրութեանս յազուրդը, ոչ արքունեաց մէջ դատած պատիւներս, ոչ կարողոս կայսեր սէրն չկարողացան սիրտս խաղաղել: Իսկ մանկիկ Ալոյիսիայ տեւսիլն՝ միայն տխուր ժպիտներու պատճառ կը լինէր, նորա

նմանութիւնն եղբօրս հետ՝ շատ զգալի էր, որով ամէն անգամ տեսնելուս՝ չէի կարող չվրդովուիլ. և այդ՝ սկզբնաւորութիւնն էր աշխարհիս վրայ կրելիք պատիժներուս : Մեր ամուսնութեան չորրորդ տարւոյն մէջ՝ Մարիամու՝ սիրելի հարսիս մահն՝ ինձ համար անսպառելի ցաւոց աղբիւր մ'եղաւ : Ազնիկ զաւակ մը միայն ունեցեր էի իրմէն, որով զրկուած կը մնայի՝ անունս, հարստութիւնս և տխուրաներս որդւոյ մի ժառանգեցընելու երջանկութենէն : Գարձեալ այս ամին նեղութեանց մէջ ուրիշ մտիթարութիւն չունէի, բայց եթէ փոքրիկ Աւյիւսիսս, որոյ անմեղ և շնորհալի կերպարանքն թէ սիրանք և թէ ցաւ կը պատճառէր ինձի : Ո՛րչափ կը մեծնար՝ այնքան ալ թշուառ եղբօրս հետ ունեցած նմանակցութիւնն կ'աւելնար : Ես կը սիրէի միշտ զինքը տեսնել, և միշտ ալ իւր տեսիլն ինձի համար մշտապէս յանդիմանութիւն մ'էր, որ սիրտս ամենասուր խղճմասանաց խայթերով կը վիրաւորէր : Այսպէս քան տարի անցաւ, երբեմն Բրիւք քաղաքը մնալով ընտանեացս հետ և կամ իմ զրզեակներուս մէջ, և երբեմն արքունեաց մէջ, որովհետեւ կայսեր սենեկապետն էի :

« Կը հասնիմ այժմ, Հայր իմ, այս ամբողջ աղետալիւր պատմութեան վերջաբանին : Այնքան սիրտս կեղեքող տանջանաց մէջ կը յուսայի՝ որ այնչափ տարիներ անցնելէն վերջը՝ ոճրագործութիւնս ծածկուած մնար, և թէ միայն խղճմասանաց խայթերն ինձի պատուհաս լինէին : Բայց ոչ. Աստուած՝ որուն կրք հաճոյ լինի՝ կրնայ հասնիլ ամբարշտին վրայ՝ կը պատրաստէր կամաց կամաց իւր վրէժիմնորութիւնը : Այն երկու աւազակներն՝ զորս առաջ կաշառեր էի եղբայրասպանութիւնս գլուխ հանելու համար, այս տարի Հռովմայ մէջ բռնուեցան, և դատապարտուած լինելով շատ մը մարդասպանութեանց համար՝ յայտներ էին իմ անունս ալ, և մանրամասն տեղե



կուժիւն տուեր էին դատաւորաց այն ամեն վերաբերու-  
 թեանց մասին, որք իմ և իրենց մէջ տեղի ունեցեր էին  
 քսան տարիներէ առաջ: Նորին վսեմափառութիւնն՝  
 Հռովմայ նախարար կարգինաւն՝ փութացեր էր Ստա-  
 րին-Նահանգաց վարչութեան ուղարկելու այն երկու ա-  
 ւաղակաց դատաքննութեան գործերը: Այսու հանգերծ  
 այդ հարցաքննութեանց մէջ իմ վրայօքս եղած տեղեկու-  
 թիւնք այնքան անորոշ էին և այնքան ալ երկար ժամա-  
 նակ անցեր էր վրասն, որ հետախուզութեան պիտի չ'են-  
 թարկուէր, եթէ Ալքայի դքսին խորհրդականաց մէջ  
 թշնամիներ չունենայի: Նոյն իսկ դոքսն վրաս համարուեալ  
 ունէր. բայց երբ գործերն իւր դաղանի խորհրդարանին  
 մէջ քննուեցան, այն ատեն վճուեցաւ հետազօտու-  
 թիւնն: Այսօր հրաման ելած էր զիս կալանաւորելու.  
 բարեբախտաբար խորհրդականներէն մին՝ որ բարեկամս  
 է, իմաց տուաւ ինձ դէմ լարուած հնարքները, և հաս-  
 կըցուց միանգամայն՝ որ եթէ կարելի չլինի քերնէս խոս-  
 տովանութիւն լսել յանցանացս՝ զիս պիտի ենթարկէին  
 հարցաքննութեան տանջանաց:

« Մտածեցէք, Հայր իմ, թէ ինչպիսի գարհուրանք կը-  
 րեցի այս գուժին վրայ: Շփոթած, բոլորովին ինքիմէս  
 դուրս ելած, խղճիս խայթերէն հարուածեալ՝ չէի զիտեր  
 ինչ լինելիքս և կամ ինչ ընելիքս: Այն վայրկենին լի  
 սարսափով վազեց հասաւ տանս չին ծառաներէն մին, և  
 իմացուց որ Ալքայի դքսին աղեղնաւորներն դէպ իմ  
 տունս կու գային: Բրիւքսէլ կը գտնուէինք. և ծառան չէր  
 կրնար գիտնալ թէ ինչ յանցանօք ամբատանուած էի.  
 Բայց Ալքայի դքսին հռչակուած խտուութիւնն՝ ընդդէմ  
 այն անձանց՝ որք ամենաթեթեւ անգամ անհաւատարմու-  
 թեան կասկածանաց ենթարկուէի Փիլիպպոս Բ. կսցսեր  
 դէմ, ծեր ծառային արդարացի սարսափանաց պատճառ  
 եղած էր: Հրամայեցի իրեն որ շուտով ձի մը թամբէ. և

իրեն յանձնարարելով աղջիկս, պարտիզին դռնէն դուրս  
 թռայ, և ձին արշաւասոյր վազցընելով՝ կանգի ճամբան  
 բռնեցի, ուր կը յուսայի բարեկամացս մէկուն քով պա-  
 հուրաիւ: Շուտով ետեւս ընկան. և այնքան արագ՝ որ  
 կարելի չեղաւ ինձ կանդ չսանիլ Ալքայի դքսին մարդիկ-  
 ներէն շատ առաջ. իրենց միջոց դասն նաև ճամբուս առ-  
 ջևը կտրելու՝ երբ քաղաքը մտնելու վրայ էի: Այն ատեն  
 ձիէս վար ցատքեցի, և թողլով զնոյն արձակ՝ դիմեցի  
 պահուրտելու Մոն-Բլանդէնի շրջակայքը, և վերջապէս  
 հասայ մտայ վանքը: Մնացածն ձեզի ծանօթ է, Հայր իմ,  
 որովհետև դուք ինքն ազնուական զթով զիս ծածկեցիք  
 թշնամեացս ձեռքէն: Այո՛, անարժան եմ ես այսպիսի  
 գթութեան, խեղճ եղբօրս արեամբ շաղախուած կ'ուզէի  
 ես եղևունս քաւել և ինքզինքս անձամբ կամովի արդա-  
 բութեան ձեռքը տալ երկնից բարկութիւնը զիջեցընելու  
 համար, որ զայրացած է այսչափ երկար ատեն անպա-  
 տուհաս մնալուս... քայց աղջիկս, քայց քաղցր, սիրելի,  
 առաքինի դաւանիս, ո՛հ, պէտք է որ ինքն ալ մասնակցի  
 պատժոյ և վատահամբաւութեան հօր մի՛ որ լիուլի մե-  
 զապարտ է... թող առնէ վերցընէ ինձմէ Աստուած իմ  
 կեանքս, քայց թող խնայէ միայն իմ Աւրյիսիայիս... » Է



## ԳԼՈՒԽ Գ.

### Կ Ա Լ Ա Ն Ա Ի Ո Ր Ո Ւ Մ Ն



**Կ**ՈՄՄՆ խօսելէ դադրեցաւ . բայց իւր հառաջանքներն , իւր արտասուքն , իւր հեծկլտանքներն յայտնի վկայ էին նորա ապաշաւանաց և միանգամայն դատեր վիճակին վրայօք զգացած ցաւոց :

Հայրն Օ՞ւլանդինի կարծես մասնակից էր նորա վըտաց , և այս պատմութիւնս լսած ժամանակ քանի մը կաթիլք արտասուաց ուռզեր էին նորա արտեանունքը : — « Որդեակ իմ , սկսաւ ըսել վերջապէս՝ ազդու և տխրութամբ զգածուած ձայնիւ , սրդեակ իմ , քու գործած ոճիրդ յայտնի է որ ամենամեծ է , բայց ոչ աններելի : Աստուած՝ հասկնալ խոնարհութեանդ և զղջմանդ վրայ , այնպիսի գթութիւն և շնորհք պիտի ցուցնէ քեզ անշուշտ , որոց խորը մենք չենք կարող հիմա՛յուրնէ թափանցել : Աստուած եղիր իրեն վրայ , և հաւատա որ եթէ եղբայրդ այս տեղ կարենար իւր ձայնը լսելի ընել՝ պիտի իմացնէր որ քեզի ներումն կը շնորհէ » :

Կրօնաւորին խորհրդաւոր ձայնն և սրտառուչ զգացումն՝ որ այդ խօսքերուն հետ զուգուած էր՝ կարծես Վիլհէմի վրայ խորին ապաւորութիւն գործեցին : Չերմն եռանդեամբ միացուց ձեռքերը և խոնարհեցուց գլուխը այնպիսի ուրախութեան զգացմամբ՝ որոյ փորձն ունեցած չէր մինչև այն օր , և խնդրեց Հօրէն որ լսէ իւր խոստովանութիւնը , և խոնարհ ամբաստանութիւն մ'ըբաւ կենացը մէջ գործած մեղքերուն : Երբ լսեց յարգելի



Հօրը ձայնը՝ որով երկնից գլծուծիւնը իւր վրայ կը պաշտէր և արծաղման խորհրդական խօսքերը կը դօրեցէր, չկրցաւ իւր յուզմունքը զսպել, այլ բեկեկաւ սրտիւ սկսաւ հեղձամղձուկ հեկեկալ, և քանի մը վայրկեան անկարող գանուեցաւ վանկ մ'անգամ արտաբերելու, մինչդեռ կրօնաւորն զինքը կը գիտէր անբացատրելի գլծաւորութեամբ: Յետոյ ոտք ելլելով՝ գոչեց վերջապէս.

— Հայր իմ, ես իմ բախտս քու ձեռքդ կը յանձնեմ. ինչ որ կ'ուզես ինձի համար՝ այնպէս բրէ:

— Առ այժմ, որդեակ իմ, պատասխանեց Հայրն Օռլանդինի, յանձնենք մենք զմեզ Աստուծոյ կամաց, ինքն ըստ իւր հաճոյից կը կարգադրէ: Բայց եթէ կարող լինիմք քեզի նպաստաւոր գործ մը կատարել մարդկային արդարութեան առջև, ապահով եղիր որ գանց չեմ ընէր: Բայց այսօր զքեզ փնտռող խնդրակներէն ազատ մնալու համար՝ գիշերս վանքին մէջ կեցիր. դուցէ Աստուած բարի խորհուրդ մ'ազդէ մեզի. . . Կարծեմ որ աղեղնաւորք մեկնած հեռացած լինին:

— Հազար շնորհակալութիւն, Հայր իմ. . . պատասխանեց եռանդազին՝ հաշտեալ ազաշխարոզն, իւր սրբօտայուզութեան պատճառաւ չկարենալով ուրիշ բան աւելցընել:

Հայրն Օռլանդինի այն ատեն դուրս ելաւ սենեկէն և իւր ձեռաց մէջ առաւ կոմսին ձեռքը, որ սեղմեց զայն անճառելի երախտագիտութեան զգացմամբ: Ուղղուեցան դէպ 'ի քովընդի եղած դուռն մի՝ որ կը հանէր վանքին ներքնասրահներէն միոյն մէջ: Զդուշութեամբ առաջ գնացին հին կամբարկապ սրահի մը միջէն, որ վանքին գերեզմանատան չորս կողմը շրջապատուած բակ կը ձեւացընէր: Լուսինն իւր սպիտակ ճառագայթները ախուր կերպով կը շողէր կանաչութենէ մերկացած ծառերուն վրայ, և աշնանային հողմէն տարուբերուած չորցած տե-

րեւներու մէջ գտնուած ամեն մէկ գերեզմանին դեռ աւելի աղղու և մեղամաղձոտ երեւոյթ կու տար: Այնտեղ ամեն բան մահ կ'ազդէր, ուր այնքան դարերէ վեր ամիրտիուեր էին մահազոյժ նշխարք վանքին բնակիչներուն: Այս տեսարանիս՝ կրօնաւորին և վլադիսլու կոմսին վրայ ըրած աղղկցութիւնն՝ իրենց մտածութեանց համաձայն էին: Իրենք տխրազգած և քարեպաշտ ակնարկ մի ձգեցին այն տեսարանին վրայ. կոմսն իւր հայեացքը դարձուց յետոյ յարգելի առաջնորդին վրայ, բայց Հայրն Օրլանդինի իւր վեղարը երեսին քաշեր ծածկեր էր:

Այն ատեն որ սրահին անկիւնը դարձան, մի և նոյն բողբոջն դուռն մի բացուեցաւ: Սաստիկ և սլայծաւ ըյս մի՝ բազմաթիւ ջահերէ արձակուած՝ լուսաւորեց մէկէն կրօնաւորը և իւր ուղեկիցը: Վերջինս ճիշ մի հանեց, որուն արձագանգ տոյին Ալքայի դքսին աղեղնաւորներն, վասն զի իրենք ճամբայ դնելու համար էր՝ որ դուռը բացուեր էր: Անոնք հանչցան փախստականը. ձեռքերնէն փախչիլն անհնարին էր, ուստի կոմսն անշարժ կեցած սպասեց որ իրենք մօտենան: Կրօնքն՝ որոյ օգնութեան դիմած էր՝ իւր սրտին արիութիւն տուեր էր, այն սրտին՝ որ մինչև այն պահուն սաստիկ կերպով երկիւղի ենթակայ էր եղած:

— Յանուն նորին վեհախառութեան՝ Փիլիպպոս Բ. կայսեր, ըսաւ սլայն մօտենալով, կոմս Վիլհէմ վլաւադիսլու՝ դուք իմ կալանաւորս էք. հաճեցէք սուրբերնիդ ինձ յանձնելու:

— Ահաւասիկ, պատասխանեց կոմսն տխուր ձայնով՝ բայց հանդարտօրէն, յանձնելով իւր սուրը սլային. ևս ձեր կալանաւորն եմ, ասպեա վլալգասայնի. թող Աստուծոյ կամքն կատարուի:

— Ամէն. աւելցուց Հայրն Օրլանդինի ծանր ձայնով: Յետոյ դառնալով դէպ ՚ի կոմսն՝ ձեր սլայծառութիւնն,

հարցուց սրտի յուզմամբ, դոր դուր տեղ կը ջանար խեղ-  
դեղ, ձեր պայծառութիւնն ինձ ուրիշ ըսելիք բան չունի՞:

— Դուք մարդկանց մէջ ամենազնիւն էք, Հայր իմ, պատասխանեց կոմսն՝ սեղմելով նորա ձեռքը. ձեր քաղ-  
ցրութիւնն զիս յուսահատութենէ փրկեց. դարձեալ ձեր վրայ կը վստահանամ. եթէ կարելի է ձեզ օգնութիւն մ'ընե՛լ աղջըկանս՝ առէք զինքը ձեր սուրբ հովանաւորու-  
թեան ներքեւ: Հայր իմ, Հայր իմ, միայն զաւակիս սրտ-  
հառաւէ՛ որ դեռ երկիւղ կը կրեմ, ո՛հ, հսկեցէք նորա վրայ,  
խոստացէք որ զինքը պիտի տեսնէք և պիտի մոտթարէք:

— Այո՛. որդեակ իմ, կը խոստանամ, և քու բացակայ գտնուած ատենդ՝ իրեն վրայ պիտի հսկեմ՝ ինչպէս դու ինքն:


— Ո՛հ, Աստուած իմ, շնորհակալ եմ քեզ, գոչեց կոմ-  
սըն. այժմ պիտի չվախեմ այնքան բանտէ և գլխապար-  
տութենէ, եթէ հարկ լինի այդ կերպով մեռնիլս: Աս-  
պետ, կու դամ ձեզ հետ, աւելցուց դէպ 'ի պաշտօնեայն  
դառնալով:

— Ե՛րթ խաղաղութեամբ, որդեակ իմ, ըսաւ Հայրն  
Օւլանդինի. ևս նաև զքեզ ալ ձեռքէ պիտի չթողում:

Կոմսն ուղեց դարձեալ շնորհակալ լինել յարգելի կրօ-  
նաւորին, վերջին ակնարկ մ'ալ ձգել այն պատկառելի  
անձին վրայ՝ որ զինքը փրկութեան համբուն մէջ դրե-  
ր՝ յուսոյ մէջ հաստատելով. բայց նա աներևութացեր  
էր գերեզմանատան կամարակապներուն ետև: Սպայն  
պատուով վարուեցաւ կալանաւորին հետ: Թէպէտ խոր  
գիշեր էր և ժամանակէ դուրս, սակայն նոյն ժամուն որո-  
չեց մեկնիլ դէպ ի Բրիւքսէլ: Պատգարակի մէջ մտցուց  
կոմսը և ամենայն կարեւոր զգուշութեամբք զայն դոցե-  
լով՝ հրաժեշտ տուաւ վանքին Առաջնորդին, և ձիաւո-  
րուելով իւր մարդկանց հետ՝ արագ արագ իջաւ Մոն-Բլան-  
դէնի բարձրութիւնը, ուղղուելով դէպ ի Բրիւքսէլի հա-  
նապարհը:

## ԳԼՈՒԽ Գ.

ԿՍԿԻՄ ԵՒ ՄԻԻԹԱՐՈՒԹԻԻՆ



**Բ**րիւքսէլ քաղաքին մէջ արդէն տարածուեր էր Վլադիկալու կոմսին փախուսան. ամենամեծ եղեր էր բոլոր ազնուական իշխանաց զարմանքն, որոց աստիճանին և պատիւներուն երկար ատեն մասնակցեր էր կոմսն, լսելով այժմ թէ ինչպիսի եղերամբ ամբաստանուած էր: Այսու հանդերձ կը զժուարէին հաւատք ընծայել ամբաստանութեանց, և կը կարծէին ընդհանրապէս՝ այնպիսի խառնակութեանց զարու մէջ և Ալքայի դքսին խիստ վարչութեան ներքեւ, որ քաղաքական դաւադործութիւն մի ծածկուած պէտք է լինի՝ սպանութեան մ'անուան ներքեւ:

Վլադիկալու պալատին մէջ ամեն դին հանդարտութիւն և խոր լուսթիւն տիրած էր. բնաւ ճրագի յոյս չէր երեւեր այն շքեղ բնակարանին պատուհաններէն. կարելի էր ըսել՝ թէ տիրոջը մեկնելէն վերջը՝ ամեն բան այնտեղ մեռած էր: Մտապք ստորին յարկի սենեկի մը մէջ ժողովուած՝ կրակարանին չորս բոլորը՝ զարմացմամբ իրարու երես կը նայէին, իրարու կը հաղորդէին տիրութեամբ ինչ որ Վլիկէմ կոմսի մասին չորս կողմն տարածուած լրերէն լսեր էին, և միանգամայն կ'ուզէին խելք հասցընել թէ արդեօք ինչ եղած էր կոմսին փախստեան ստոյգ պատճառն: Նորա մեկնելուն երկրորդ օրն էր: Լսած էին ծառայք որ կոմսը բռնեք էին կանգի Ս. Պետրոս վանքին մէջ և բերեր



էին Բրիւքսէլ. այս խորհրդաւոր և սարսափելի արկածին վրայօք ուրիշ տեղեկութիւն չունէին: Ամենքը կը ցաւէին իրենց թշուառ տիրոջ վրայ, և չկրնալով համոզուիլ թէ նա յանցաւոր կրնար լինել, կ'ողբային թէ նորա և թէ իրենց օրիորդ տիրուհւոյն Ալոյխիայի, Վիլհէմ կոմսին միակ դատեր զժըտախտ վիճակին վրայ:

Ալոյխիայի հրեշտակային առաքինութիւններն, բարեպաշտութիւնն, քաղցրութիւնն և սիրելի բնաւորութիւնն՝ զինքը շատ ժամանակէ 'ի վեր ծառայից համար սիրոյ առարկայ մի դարձուցեր էին, իսկ զինքը ճանաչողաց համար՝ յարգանաց նիւթ: Ամենքը տեսեր էին նորա սրտակէզ ցար, չարչարանքներն և վշտերը՝ երբ լսեց իւր հօր փախուստն ու կալանաւորումը: Ամենքը կը փափաքէին այս տխուր վշտաց դառնութիւնը մեղմել և զինքն ամոքել. բայց ինչ մարդկային մխիթարութիւն կարելի էր գտնել սցսօլիսի ամենամեծ դժբախտութեան մը զիմաց: Ալոյխիա՛ առաքինի նա՜ ժըշտի մը դաստիարակութեամբ մեծցած, առ որ իւր մայրն յանձներ էր մեռնելէն առաջ՝ ազջրկան կրթութեան հօգը, Ալոյխիա՛ միայն կրօնից մէջ կրցաւ զբռնել այն մխիթարութիւնները՝ զորս ուրիշ տեղէ չէր կարող քաղել, և իւր եռանդուն բարեպաշտութիւնն զօրացոյց զինքը՝ համակամութեամբ կրեւու այնպիսի զարհուրելի զժըտախտութիւն մը, որուն ենթակայ եղած էր:

Ըստ սովորութեան՝ հանդիսաւոր տօնուկցաւ ամեն տեղ Ամենայն Սրբոց յիշատակն: Ալոյխիա՛ շրջապատեալ իւր ծառաներով սուրբ պաշտամանց ներկայ էր գտնուեր Ս. Գիւղիլի եկեղեցւոյն մէջ, և սրտի նոր զօրութիւն էր ստացեր քարոզչին ճարտասան խօսքերէն, որ սրտաշարժ կերպով նկարագրեր էր երկնից մէջ սրբոց ունեցած երջանկութիւնը, զոր ստացեր էին

յեա այս կենաց մէջ պատերազմելու և շարժարուելու :  
 Իւր բնակարանը դառնալով՝ Ալոյխիսիա առանձնացեր  
 էր իւր սեպհական մատրան մէջ, ուր միայնակ Աստու-  
 ծոյ և իւր վշտաց հեա միացած՝ սիրտը բոլորովին յան-  
 ձներ էր այն Աստուծոյն՝ որ մրրիկները կը զիջեցընէ  
 և զայրացած ալիքները կը խաղաղեցընէ :

Այսպէս անցաւ այն օրը Վլադկալու ապարանին մէջ :  
 Թէ՛ օրիորդ կոմսուհւոյն շքեղ սենեկաց և թէ՛ ծառայից  
 ստորին յարկի սենեկաց մէջ հաւատարատէս տիրած էր  
 լուռութիւն և ցաւ : Երեկոյեան ժամը վեցին մահաբոյժ  
 ներդաշնակութիւն մի լսուեցաւ . ամբողջ քաղաքին և  
 կեղեյեաց և վանքերու զանդակներն օւղոյն մէջ տա-  
 բածեցին ըստ սովորութեան՝ Մեթիւոյ օրո՞ւմ՝ տխուր  
 նախատօնակը : Այս տիրազգած և ծանր երաժշտու-  
 թիւնն միանարով Վլադկալու կոմսին ծառայից առա-  
 ջուց ունեցած մեղամաղձոտութեան հետ՝ զիրենք աւելի  
 ևս տխրութեան ենթարկեց . ամեն մէկն անոնցմէ կը  
 մտածէր սարսափով՝ թէ զուցէ քանի մը շաբթէ և կամ  
 քանի մ'օրէ վերջը՝ այսպէս եկեղեցեաց զանդակները  
 պիտի հնչեցընէին, ազդելով իրենց բարձրաշուք և հզօր  
 տիրոջ Վիլհէմ Վլադկալու կոմսին թաղման հանդէսը :  
 Այս տեսակ շարադուշակ մտածմանց մէջ ընկզմած՝ ա-  
 մենին լուռութիւնը չէին ընդհատեր, մանաւանդ թէ ի-  
 բարու հեա ալ փոփոսալու հաղիւ կը համարձակէին . այն-  
 քան զիւրաւ հաղորդականութիւն ունին վախի զդա-  
 ցումներն : Յանկարծ գլխաւոր դրան մուրճը հնչեցուցին  
 նախադաւթին մէջ : Տիրոջը բացակայութեան առեն, և  
 այն ալ այնպիսի ժամու մէջ՝ երբ մէկու մի գալստեան  
 յոյս չկար, այդ անսովոր աղաղակն տեսակ մի սարսափ  
 ձգեց ծառայից մէջ, այն տեսակ անդիմադրելի սար-  
 սափներէն մին՝ որուն պատճառը մարդս չիմանար : Ոչ  
 ոք տեղէն չարժեցաւ . ամենքն իրարու երես կը նայէին ,

և չեղաւ մէկն՝ որ համարձակէր նախադաւթին երթալու: Երկրորդ հարուած մ'ալ առաջինէն աւելի զօրաւոր թընդաց, և քիչ վերջը երրորդ մ'ալ: Այն ատեն տան տեսուչն, որ ծերունի մէկն էր, և կոմսին ու նորա եղբոր Փիլիսոսոսի մանկութիւնը տեսեր էր, ոտք ելաւ և ըսաւ ծառայից. « Թէ որ ձեզմէ ոչ ոք քաջութիւն ունի երթալու դուռը բանալու, ես ինքս ուրեմն կ'երթամ. իմ հասակիս վախճալու բան չկայ, և բանէ մ'ալ չեմ զարհուրիր, որովհետեւ իմ տէրերուս երկար ժամանակ ամենաճաւատարիմ ծառայութիւն մատուցեր եմ »: Այս խօսքերս ըսելով՝ ջահ մը ձեռքն առաւ և դուրս ելաւ դէպ 'ի դուռն երթալու շուտով՝ որչափ կը ներէր իւր ծերունի հասակն: Միւս ծառայք անհամբեր կը սպասէին տեսչին վերադարձին: Կեցին որ նախադաւթին ծանր դուռն իւր լիսեռներուն վրայ հռնչեց, որոյ յաջորդեց քանի մը մանրերկրորդ լուծիւն, որ ամենուն համար խորհրդական բան մ'եղաւ: Յանկարծ ծերունի տեսչին ճիչ մի՛ զիրենք նոր սարսափով սառեցուց. քայց թէ արդեօք այդ ճիչն ուրախութեամբն հետեանք էր կամ թէ սարսափի՛ չէին կարող գուշակել: Ահաբեկած անշարժ կը դողային և լուռ կեցած կ'ուզէին ըսել տանը մէջ ամենամեղով ձայն մ'անդամ որ յայտնէր իրենց այն ճիչ արձրկելուն պատճառը, և կամ մանաւանդ կը սպասէին տեսչին վերադարձին՝ որ բացայայտէր իրենց այդ դաղտնիքը: Արդեօք ի՞նչ բան տեսեր էր ծերունին, ո՞վ երկեցեր էր իրեն և որո՞նք ձեռքը հնչեցուցեր էր այն զիրենք սարսափեցընող դրան հարուածները. ինքք տեսուչն ո՞ւր մնացեր էր, ի՞նչ հանդիպեր էր արդեօք իրեն մինչդեռ կէս ժամ անցեր էր դուրս ելնէն վերջը: Այս ամեն հարցերն իրարու կ'ընէին ցած ձայնով և այնպիսի եղանակաւ՝ որ կը մատնէր իրենց նախադաւթամանէ յառաջ եկած սրտադողն. « Գուցէ զո՞հ եղաւ, կ'ըսէին,



իւր անխոհեմութեան, այնպէս միացնակ յանդիմելով  
 դէմ երթալ...» Բայց արդեօք ի՞նչ բանի դէմ. ահա  
 այս կէտն էր՝ զոր չէին կարող գիտել, և չէին կարող  
 ուրիշ կերպով բացատրել, բայց եթէ երեւակայական  
 ցնորից դիմելով, զորս ըստ հասցոյ կարող էին ստեղծ  
 ծել իրենք իրենց համար, որովհետեւ Միւրեւոյ օրոսն  
 նախատօնակի օրն էր:

Յանկարծ ծանր քալուածքի ձայն մի հնչեց նախա  
 դաւթին մէջ. հասկըցան որ այդ ձայնն իրենց կը մօ  
 տենար. դուռը բացուեցաւ. իրենց սարսափն կրկնա  
 պատիկ եղաւ... Բայց ո՞վ լինէր եկողն. նոյն խոյ տե  
 սուչն. սարսափն արդեւք եղած էր իրենց ճանչելու  
 նորա քալուածքի ձայնը: Ներս կը մտնէ տեսուչն. ա  
 մեն ոք եղածը կ'ուզէ կարդալ նորա դէմքին վրայ.  
 վախի ազդեցութեան հետեանք բան մը չին նշմարեր,  
 ընդհակառակն կարծես ծածկուած սրտի գոհութիւն մի  
 կը տեսնուի, զոր նա թագցընել կը ջանար իւր սովոր  
 բական անդրդուելի անայլայլութեան ներքեւ: Երկու  
 կաթիլք արտասուաց դեռ նորա աչաց բիբերուն վրայ  
 կը շողշողան, և առանց իւր ուղեւուն՝ իւր դիմաց վրայ  
 յայտնի կ'երեւի յուզմանց արգասիք: Եթէ ուշադրու  
 թեամբ զննուի՝ կը տեսնուի որ իւր դուրս ելնելէն  
 վերջը կարգէ դուրս բան մի հանդիպած պիտի լինի:  
 Ամեն մէկն եղածը լսելու կը փափաքէին սաստիկ հե  
 տաբրքութեամբ. բայց Յովսէփի դիմաց գծագրութիւնն  
 իւր նախկին ծանր լրջութիւնն ստացաւ, և քաջածանօթ  
 լինելով նորա խոհականութեան՝ իւրաքանչիւր ոք կան  
 խաւ լաւ համոզուած էր, առանց բնաւ հարցմունք մ'ը  
 նելու, որ անկարելի էր նորա բերնէն խօսք որսալ:

Բայց Յովսէփ ինքն սկսաւ խօսիլ. իւր կերպն աւելի  
 ևս լուրջ երեւոյթ մի ստացաւ. ձեռքով նշան ըրաւ լու  
 թիւն պահելու... բնաւ այդքան մեծ հեղինակութիւն

ունեցած չէր նա վլադեսլու կոմսին ծառայից առջև :  
 « Բարեկամք իմ, ըսաւ վերջապէս ծերն՝ ծանր ձայնով,  
 ձեզմէ շատերն երկար տարիներէ վեր վիճէմ կոմսին  
 ազնուական տան ծառայութեան մէջ կը դանուին . դուք  
 ամենքդ գիտէք, թէ ինչպիսի եղեռնագործութեամբ ամ-  
 բաստանուած է մեր տէրն : Այս վայրկենիս նորա դա-  
 տաւարութեան խնդիրը քննութեան ենթարկուած է,  
 և քիչ ժամանակէ վերջ, մանաւանդ թէ լսածիս հա-  
 մեմատ վաղը՝ Նորին պայծառութիւնն Ալբայի դուքսն  
 գինքը հանել պիտի տայ դատաստանի առջև, որպէս զի  
 իւր դէմ հղած ամբաստանութեանց պատասխան տայ :  
 Թող լինի կամ արդար և կամ յանցաւոր, բայց երբեք  
 վիճէմ կոմսն մեր բարերարը լինելէ չի դադարիր . մենք  
 ամենքս ալ լաւ գիտենք, թէ ինչպիսի քաղցրութեամբ  
 և բարեգլխութեամբ վարուած է նա մեր հետ՝ քանի որ  
 նորա ծառայութեան մէջ կը դանուինք : Ուրեմն երախ-  
 տագիտութիւնն ու հաւատարմութիւնն մեր վրայ պարտք  
 կը դնեն իրեն համար ձեռքերնէս եկածն ընելու : Եւ  
 որովհետեւ այս տխուր պարագայիս մէջ առ Աստուած  
 աղօթելէ զատ ուրիշ բան չենք կարող ընել, ուրեմն զի-  
 մենք ամենքս միասին՝ խնդրելով յերկնից՝ որ նա դա-  
 տաստանէն ազատ արձրկուի, և տայ Աստուած դար-  
 ձեալ մեզի մեր տէրը, և մեզմէ մեր օրիորդ տիրուհւոյն՝  
 Ալցիսիա կոմսուհւոյն ցաւը, որ մեր վրայ այնքան գութ  
 ունի և միշտ բարեսիրտ և առատաձեռն եղած է : »  
 Այս խօսքերս՝ որք կարգէ դուրս յուզմամբ սրտի ար-  
 տասանուեցան այսպիսի հանդիսաւոր պարագայի մէջ,  
 ամեն աչքերու արտասուաց պատճառ դարձան . և մի և  
 նոյն վայրկենին ամեն ծառաներն՝ տեսին չորս կողմը  
 ընդորած՝ ծանր դրին . Յովսէփ սկսաւ Սրբոց և Գլխու-  
 թեանց Մօրը լե՛րանիւն՝ վլադեսլու կոմսին դիտման  
 համար . ամեն մէկն եւանդեամբ և զգածեալ ձայնով

պատասխանեցին, մտնալով այն յիմարական դարհու-  
րանքը՝ որով պաշարուած էին երեկոցեան սկիզբէն ՚ի  
վեր:

Այս վայրկենիս արդեօք ինչ հանդիպեր էր օրիորդ  
կոմսուհւոյն առանձնարանին մէջ: — Բազմած էր նա  
փառազարդ թիկնաթոռի մը վրայ, զոր երբեմն աստիճան-  
գործեր էր իւր մայրն. և նորա արտասուալից աչքերն  
երբեմն կը դառնային իւր ազօթարանին վերև զետե-  
զուած ոսկեայ խաչին վրայ և երբեմն սեազգեաց կրօ-  
նաւորի մը վրայ, որ իրմէն քանի մը քայլ հեռու նըս-  
տեր էր, և էր այն անձն՝ որ տեսչին առաջնորդութեամբ  
եկած էր այն տեղ. և զոր մեր ընթերցողք առանց զը-  
ժուարութեան պիտի ճանչեն յանձին պատուական Հօրն  
Օւլանդիների, որ իւր առ Վլադիսլաւ կոմսն առած  
խոստման համաձայն՝ եկած էր միտիթարեւու զԱւելի-  
սիա:

— Ո՛հ, Հայր իմ, կ'ըսէր օրիորդն, Վլադիսլաւ կոմսն  
յանցաւոր չէ բնաւ այն եղերամբ՝ որով ամբաստանուած  
է. նա՛ որ այնքան բարի, այնքան ազնուասիրտ...

— Դուստր իմ, վրայ բերաւ կրօնաւորն, Աստուած  
միայն կարող է մարդկային սրտի գաղանխքը ճանաչել.  
ինձի չի վերաբերիր որ և իցէ մէկը դատապարտելու ի-  
րաւունքն: Յոյս ունիմ որ դատաւորք մարդկային կրիք  
պիտի չվարուին: Իսկ քեզի համար, որդեակ իմ, ամենե-  
ւին երկիւղ մի կրեր. Աստուած քեզի հետ պիտի լինի, և  
գուցէ քեզի համար հովանի լինի նաև հօրդ գլխոյն. դուն  
վատահուժեամբ յանձնէ զքեզ նորա սուրբ ողորմու-  
թեան: Թող լինի անմեղ և կամ յանցաւոր, բայց Վլա-  
դիսլաւ կոմսն միշտ քու հայրդ լինելէ պիտի չդադրի, և  
դու պէտք է միշտ զինքն յարգես և սիրես: Իբրև է,  
մարդկային արդարութիւնն շատ անգամ կոյր կը դըստ-  
նուի, բայց ինչ որ ալ լինի՝ պէտք ենք հպատակիլ, ա-

ուանց ետ կենալու սիրելէ այն անձինքը՝ զորս նորա վը-  
հիւններն կը դատապարտեն :

— Ո՛րչափ մխիթարութիւն կու տան ինձի քու խօս-  
քերդ, Հայր իմ. ասց՛յ Աստուած որ իմ և քու սրտիդ  
փափաքածին համեմատ՝ գործերը վերջանան. բայց ես  
կը վախեմ այդ դատաստանէն. և թէպէտ չեմ կրնար  
հաւատալ որ հայրս այդպիսի մեծ եղեոնագործութեամբ  
յանցաւոր լինի, բայց կը վախեմ որ իւր թշնամիք, որք  
կը դանուին Աւքայի գբսին խորհրդարանին մէջ, իրենց  
ազդեցութիւնը պիտի բանեցընեն :

— Ի՞նչ նպատակաւ կը կատակածիս որ փափաքին վը-  
նաս տալ վլադեսլու կոմսին :

— Ի՞նչ նպատակաւ, Հայր իմ. այն նպատակաւ որ  
ամենէն աւելի անարդագոյնն է, բայց այնու հանդերձ  
ամենէն աւելի կը յուզէ մարդկային սրտերը. կ'ուզեմ  
ըսել՝ նպատակաւ շահասիրութեան : Մայրս քոյր մ'ու-  
նէր, որ ամուսնացաւ Ակուավիվա կոմսին հետ. մօր  
կողմանէ պապիս՝ Բրէյնը—լալէնդ իշխանին մահուա-  
նէն վերջը, նորա ստացուածոց բաժանման առթիւ խըն-  
դիւր ծագեցաւ հօրս և Ակուավիվա կոմսին մէջ, և ան-  
համաձայն դանուելով՝ խնդիրը դատաստանի ձգուեցաւ,  
և հայրս դատը շահեցաւ. հեռաբար մօրքեռայրս այդ  
ժամանակէն 'ի վեր մեզի դէմ անշիջանելի ատելութիւն  
պահած է :

— Այդ անձին ատենի մէջ ունենալիք ազդեցութե-  
նէն ուրեմն այդքան կը վախես :

— Այո՛, և այդ ազդեցութիւնն ինձ համար շատ ա-  
ւելի անտանելի է, այնու՝ որ հօրս քացակայութեան ժա-  
մանակ Ակուավիվա կոմսն կը մնայ ամենէն մերձաւոր  
ազգականս :


— Վստահ եղիր Աստուծոյ վրայ, դուստր իմ, իրեն  
վրայ միայն պէտք է դնենք մեր յոյսը : Երբ աշխարհս



բաց ՚ի վտանգներէ և կորուստներէ ուրիշ բան չի տար մեզի, երկինք շատ անգամ կը պատրաստէ մեզի համար առատ և անսակնկալ օրհնութիւններ: Հիմա, որդեակ իմ, յանձնէ ինքզինքդ բոլորովին իւր սուրբ պաշտպանութեան, առանձնացիր սենեակդ, ձգէ զքեզ Սուրբ Մօրը գրկաց մէջ և պահապան հրեշտակիդ խնամոց ներքեւ. ես սխտի գամ դարձեալ զքեզ տեսնելու և տեղեկութիւններ բերելու հօրդ վրայօք:


— Շնորհակալ ևմ, շնորհակալ ևմ, դռչեց օրիորդ կոմսուհին, ձգելով ինքզինքը կրօնաւորին ոտից առջև. Աստուած ինքն զքեզ ինձի դրկեց՝ ցաւոցս մէջ մխիթարելու համար:

Կրօնաւորն ուրիշ բան չըսաւ. վեր վերցուց օրիորդ կոմսուհին՝ յետ իւր օրհնութիւնը շնորհելու: Կարգէ դուրս յուզմամբ բացաւ աղօթանոցին դուռը և դուրս ելաւ: Մերունի տեսուչն իրեն կը սպասէր սանդղոյն ոտքը, որ յարգելի զգացմամբ խոնարհելով՝ սղջունեց զինքը, և առանց բառ մ'անգամ արտաբերելու՝ մինչև փողոցին դուռն առաջնորդեց իրեն:



## Գ Լ Ո Ւ Խ Գ .

Կ Ո Մ Ս Ն Ա Կ Ո Ւ Ա Վ Ի Վ Ա



**Յ** ԱԶՈՐԳ օր առաւօտեան երբ դատաւորք կը հաւա-  
քուէին Բրիւքսելի դատարանը, և յատեան կը կոչէին  
Վիլհէմ Վլադեսլու կոմսը, նոյն ժամանակին՝ շքեղ դա-  
հաւորակ մի, շրջապատեալ սլայծառազգեստ ուղեկից  
ծառաներէ և ձիաւորներէ, կանգ առաւ Վանդէր Օսլըս-  
տրէտէն պալատին դրան առջև: Ուռան առաջին հա-  
րուածին՝ դուռն իր լիռանց վրայ շրջուեցաւ՝ ցոյց տա-  
լով Վիլհէմի փառաշուք բնակարանին տխուր նախադա-  
ւիթը: Տեսուչն՝ որ քանի մը ծառայից հետ շուտով  
ներկայացեր էր աղնուական եկաւորներն ընդունելու,  
յարգութեամբ ծուեցաւ դահաւորակին առջև. բայց  
դէմքն այլազունած և սժգոյն էր. թերեւ իւր սրտի ան-  
հանգստութեան պատճառաւ էր դիմաց գժազրութեան  
փոփոխմունքն, բայց կարծես ուրիշ պատճառ մ'ալ ու-  
նէր, որով իւր սարսափն և մտատանջութիւնն կ'աւել-  
նար: Ճանչցած էր նա Ակուալիվա կոմսին ծառայից  
տարազը, և այդ պարոնին ներկայ պարագայից մէջ ե-  
րևնալն՝ չարագոյժ նոր ազիտից նշան մի կը թուէր ի-  
րեն:

Գահաւորակին դուռը բացուեցաւ, զարմացման մէջ  
գտնուած ծառայից առջև, և Ակուալիվա կոմսն վայր  
իջաւ: Բարձրացաւ նա դրան առջևի աստիճանները, և  
հպարտ ձայնով հրամայեց տեսչին որ առաջնորդէ իրեն  
Աւրիտիայի սենեակը:

— Տիրուհիս դեռ բնաւ տեղեկութիւն չունի, տէր իմ,

ձեր գալստեան մասին, յանդգնեցաւ ըսելու ձերունի Յովսէփին. արգէօք կը ներէ՞ք ինձ որ գնամ իմաց տամ. . .

— Փեղի հրամայածս կատարէ, վրայ բերաւ սաստեւելով Ակուալիվա կոմսն. առջևս ընկիր և տար զիս Վլադկսելու կոմսուհւոյն մօտ :

— Տէր իմ, պատասխանեց ձերունին՝ քաջալերուելով իւր տէրերուն վրայ ունեցած սիրոյ զօրութենէն, բարեհաճեցէք շնորհելու ինձ ժամանակ՝ միայն իմաց տալու ձեր գալուստը :

— Լիրբ, մրմռաց կոմսն՝ սպառնալեաց ձե մ'ալ աւելցընելով, մտածէ, յիշէ թէ որոն հետ կը խօսիս :

— Ակուալիվա կոմսին հետ կը խօսիմ, վրայ բերաւ Յովսէփ՝ ուղղածիզ կանգնելով տեսակ մի հպարտութեամբ, և այս պատճառաւ Չեր Մեծութիւնն պէտք է որ զիմաց թէ իմ ազնուական և արժանայարգ տիրոջս Վլադկսելու կոմսին բացակայութեան ժամանակ՝ միայն ամենազնիւ և մեծարգոյ տիրուհիս Ալոյխիա կարող է հրամայել այս տանս մէջ :

Այսպիսի զիմադրութենէ և խօսքերէ աւելի գրագուռելով Ակուալիվա կոմս՝ հրամայեց իւր ծառաներուն մէկզի ընելու Ալոյխիայի ծառաները, որք իւր առջևը իբրև պատնէշ կեցեր էին. և բռնութեամբ մտաւ տան մէջ : Այն ատեն Յովսէփ վախնալով դորժոյն վատ հետեանքէն՝ առջևն ինկաւ, և որչափ կը ներէր իւր թերութիւնն՝ շուտով օրիորդ կոմսուհւոյն սենեկաց կողմը զիմեց, և իմաց տուաւ իրեն կոմսին գալուստը և հանգիպած գէպքը :

Ալոյխիա առաջուց վախով կը գուշակէր դժբախտաբար այս այցելութիւնը : Պատրաստուելու ժամանակ չունեցած՝ ծառայ մի սենեկին դուռը բացաւ և իմաց տուաւ Նորին Մեծութեան Ակուալիվա կոմսին գալը : Ալոյխիա զինքը տեսնելով՝ ոտք ելաւ. և սրտէն յանձ-

նարարական աղօթք մ'ընելով առ Աստուած, նստաւ հանդարտութեամբ, ձեռքով բազմոց մի ցոյց տալով կոմսին: Կոմսն դեռ հանդարտած չէր այն սաստիկ յուզմանէն՝ զոր ունեցեր էր Յովսէփի քաջութեամբ դէմ զննելուն պատճառաւ, զոր ինքն իբրև նախատինք կը համարէր, ուստի հազիւ թէ իրեն ընծայուած աթոռին վրայ բազմեցաւ՝ դիտու նշանով ցոյց տալով ծեր տեսուչը՝ ըսաւ.

— Ես շատ զարմացեր եմ ձեր ծառայից լրբութեան վրայ, քննորդիդ իմ, և շատ գոհ կը լինիմ որ բարեհասէք ազատել զմեզ ձեր տեսչին ներկայութենէն՝ յառաջ քան խօսք բանալու ինչ բանի համար որ եկած եմ այս տեղ:

— Եթէ ձեր ինձ հաղորդելիքն այնքան մտերմական է, պարոն կոմս, վայրկեան մի կրնամ հեռացընել այս հաւատարիմ ծառայն: — Յետոյ դառնալով դէպ 'ի ծերունին՝ « Ազատ թող զմեզ, աւելցուց օրիորդ կոմսուհին, ազատ թող զմեզ, բարի Յովսէփ. պարոն կոմսն ինձ հետ առանձին կ'ուղէ խօսիլ »:

— Այդ չէ ուզածս, օրիորդ, վրայ բերաւ կոմսն, տեսնելով որ Յովսէփ քայլ մ'առաւ դէպ 'ի դուռը՝ դուրս ելնելու համար. այս ծերուն լրբութիւնն այն աստիճանի հասած է՝ որ դուք այլ ևս չէք կարող զինքը ձեր տան մէջ պահել:

— Ի՞նչպէս, հարցուց օրիորդն ցաւալից զարմանքով. ես չեմ գիտեր ինչ նպատակաւ եկեր էք դուք հօրս բացակայութեան միջոց նորա տունը, այսպիսի տխրատիթ պարագաներու մէջ. բայց բնաւ յանձնառու չեմ կարող լինել Յովսէփը տնէս հեռացընելու, և զրկուելու նորա մատուցած ծառայութիւններէն:

— Դուք չէք գիտեր, օրիորդ, թէ ինչ նպատակաւ եկած եմ ձեր մօտ, պատասխանէ՛ր Վկուալիլու արհա-



մարհական նեղարտութեամբ. բայց դուք անշուշտ լաւ գիտէք որ ես ձեր մօրքեռայրն եմ և դուք իմ քենորդիս էք: Հայրերնիդ՝ այնպիսի եղերան մի համար՝ որոյ վրայ ձեզի խօսելն աւելորդ է, կը գտնուի այնպիսի զարհուրելի կասկածանաց ենթարկուած, որ...

— Ի՞նչ կայ ուրեմն, պարոն, գոչեց Սւրբիսիա դառն ցաւով սրբելով արտասոււաց քանի մի կաթիլներ:

— Այս կայ ուրեմն, քենորդիդ իմ, որ ես եկած եմ ձեզ համար՝ առաջարկելու ձեզ իմ պալատս բնակութեան համար, մինչև որ դատաստանը վերջանայ. որովհետեւ ասկէց վերջը Վլադեսլու կոմսին տունն այլ ևս արժանաւոր բնակարան չէ կարող լինել իշխան Բրէյնը-Վալէնզիլ թոռան:

— Ձեր մեծութիւնն կը մոռանայ, վրայ բերաւ ծանր կերպով օրիորդն, որ Վլադեսլու կոմսն եթէ անմեղ լինի և եթէ յանցաւոր, սակայն միշտ իմ հայրս է. և եթէ Աստուծոյ կամքն է որ նա իւր պատուոյ տիրաւորները կորսընցընէ, սակայն երբեք չի կրնար կորսուիլ չօր կոչումն՝ դոր Երկինք իրեն շնորհած է: Ուստի լաւ գիտցէք, պարոն կոմս, որ եթէ վայրկեան մի գաղբի այս բնակարանս ինձի պատշաճ տուն լինելէ, միակ բնակարանն ուր կարող պիտի լինիմ ես առանձնանալ արժանապէս՝ պիտի լինի Վլադեսլու կոմսին բանտն:

— Շատ սիրուն զգացման խօսքեր են այդ ամենն, քենորդիդ իմ, պատասխանեց կոմսն՝ հպարտ և հեղնական կերպով. բայց Նորին Պայծառութեան Սւրբայի դըքսին կամք այս է՝ որ դուք իմ հսկողութեանս և խնամակալութեանս ներքե պիտի գտնուիք՝ մինչև որ Վլադեսլու կոմսին դատաստանն աւարտի. և ես եկած եմ խնդրելու ձեզնից՝ որ համակամք այս կարգադրութեան:

— Քանի որ հայրս ողջ է՝ Սւրբայի դուքսն երբեք իրաւունք չունի զիս տնէս հեռացնելու. և այդ կարգադրու-

Թիւնն զոր դուք բերեր էք ինձի, սարոն կոմս, ուրիշ բան չէ կարող լինել՝ բայց եթէ խաբէութեան մի հետեւանք:

— Խաբէութեան մի, օրիորդ, տաքցած կերպով կըրկանեց կոմսն. դէմ մի դնէք. ես զօրաւոր եմ. և եթէ դուք նոյն իսկ այսօր ինձի հետ դալու յանձնառու չլինիք՝ ձեր մերժելուն հետեանքները սխալ կընէք:

— Աստուած պիտի լինի, սարոն իմ պաշտպանս: Գիտեմ ես ինչ է ձեր մտադրութիւնն. շատ ժամանակէ վեր կը փափաքէիք իմ ժառանգութիւնս և ընտանեացս ճշտութիւնները ձեռք բերել, և այժմ օգուտ քաղել կ'ուզէք իմ և զօրս թշուառութենէն. բայց դուք ալ լաւ դիտեցէք որ հարկ եղած ատեն պիտի կարենամ ևս ալ դանգատներս հասցընել արքունի դահլոյսից առջև, և Արքայական վեհափառութեան առջև ամբաստանել ձեր շահասիրութիւնն և հալածանքները:

Կոմսն այս խօսքերս լսեց բորբոքեալ բարկութեամբ, որք այնքան ճշգրիտ իւր առջև կը դնէին իւր դադանի մտածութիւններն և բնաւորութիւնը. բայց շանաց ինքզինքը զսպել, և իւր կատաղութեան կիրքը ծաղրածութեան քօղով ծածկելով, ըսաւ.

— Ո՛հ, շատ բարձրէն կը թռչիք, քենորդիւ իմ, և կարծէք թէ բնաւ քանի տեղ չէք դնէր այն ազգականութիւնը՝ որ զմեզ կը կապէ: Կարծես թէ կը վախէք որ իմ տանս մէջ լաւ պատիւ պիտի չգտնէք: Խնամակալի և մերձաւորադոյն ազգականի իրաւունքներովս (անդերձ՝ կրնամ զձեզ ապահովել նաև որ մենք պիտի վարուինք ձեր հետ այն ամենայն ակնածութեամբ՝ որ պատշաճ են ձեր աստիճանին և ձեր ազգականութեան. մենք դիտենք, օրիորդ, թէ մեր և թէ ձեր սով լինելն. հետեւաբար դիտենք նաև թէ ինչ է ձեր առ մեզ և մեր առ ձեզ ունենալիք պարտականութիւնն:

— Ուրեմն այնքան ազնուախօհ եղէք զէս առ իս՝ որ զիս ազատ թողուք հայրենի տանս մէջ, և թէ ձեր ազգեցուծիւնն Ալբայի դքսին առջև ի դործ դրէք՝ որ հաւանի զիս այստեղ թողուլ, և եթէ հարկ է՝ ևս ինքս ձեզնից կը խնդրեմ և կը պաղատիմ որ այս շնորհքն ինձ ընէք :

— Ի՞նչպէս կարող եմ, վրայ բերաւ Ակուսվիվա հեղնաբար, ինչպէս կարենամ շնորհել ձեզ այն ինչ՞ որ զիս պիտի զրկէ այսքան ինծի սիրելի քենորդւոյ միներկայութենէն :

— Անգութ գազան մ'էք, պարոն, գոչեց Ալբիտիա՝ արտասուաց հեղեղ վազընելով. բայց զիտցէք որ ձեր անիրաւ պահանջանաց և ոչ մին յանձնառու պիտի լինիմ կատարելու. բռնութիւնը միայն կարող պիտի լինի ստիպել զիս թողլու տունս և ծառաներս :

— Ի՞նչպէս որ կը հաճիք, քենորդիւ իմ :

Այս խօսքերս խրոխտ ձայնով զուրցելով՝ ոտք ելաւ կոմսն, և ձայն տուաւ իւր ծառայից, որք նախասենեակը կը դանուէին. պատուէր տուաւ իրենց օգնելու օրիորդ կոմսուհւոյն՝ որ սենեկէն դուրս ելնէ : Ալբիտիա զարհուրանաց ճիչ մ'արձակեց : Իւր ծառաներէն բազմաթիւք իւր չորս կողմը պատեցին՝ մէկդի վանելով կոմսին սպասաւորները և զինքը պաշտպանելու զիրք բռնեցին : Բայց օրիորդն՝ նկատելով նոցա սակաւութիւնն և դեռատի հասակնին, վախցաւ զիրենք անհաւասար և բոլորովին անյաջող կռուի մը վտանգի մէջ դնել, ուստի « թողէք զիս, սիրելի բարեկամներս, ըսաւ, Աստուած թոյլ պիտի չտայ՝ որ ամբարշտութիւնն յաղթանակէ » : Այս խօսքերս ըսելով՝ պատուիրեց նոցա որ հեռանան, և մետաքսեայ մուշտակ վերնազգեստ մի բերել տալով՝ փաթութեց ինքզինքը և պատրաստուեցաւ կոմսին հետ իջնելու. « Աստուած վկայ է, ըսաւ, որ միայն բռնութեան տեղի

կու տամ » : Կոմսն արհամարհանօք ժպտեցաւ , և իւր թիւը ներկայացուց օրիորդին՝ սանդուղն իջնելու համար . քայց նա մերժեց : Գուռը քայց էր աստիճանաց վրայ , որոց առջև կը սպասէր գահաւորակն Ակուավիւ վայրի և նորա քենորդւոյն : Այն վայրիկենին որ Աւրիսիա կառքին մէջ սլիտի մտնէր , տխուր կերպով ձեռքը դէպ իւր ծառաները շարժելով իբրև ի նշան հրածեշտի , (որք լալով հետեւեր էին իրենց օրիորդ տիրուհւոյն) , և ահա յանկարծ բարձրահասակ կրօնաւոր մի , երեսը բուրովին ծածկած լայն վեղարի մը ներքև , ներկայացաւ աստիճանաց առջև , և էր նոյն ինքն Հայրն Օսլանդինի : Օրիորդ կոմսուհին շուտով զինքը ճանչցաւ . իսկ տեսուչն ուրախութեան ճիչ մ'արձըկեց :

— Ո՞ւր կ'երթաս , դուստր իմ , հարցուց կրօնաւորն :

— Տեսէք , Հայր ի՛մ , որ ես զո՛հ կը գնամ անիրաւ հրամանի մը , որ խորամանկութեամբ ստացուեր է Աւրայի դքսէն . որով կը սլարտաւորուիմ թողլու տունս և հետեւելու սլարոն Ակուավիւ վա կոմսին , որուն յանձնուած է ինձ վրայ հսկելու :

— Կեցիր , որդեակ իմ , և մտիր դարձեալ տունդ . քեզ հարկ չէ սցստեղից աւելի հեռու գնալ . այս սլարոնս վրադ ամենեւին իրաւունք չունի :

Աւրիսիա զարմանաց ակնարկ մի ձգեց կրօնաւորին վրայ , որ կը յայտնէր իւր ունեցած յոյսը : Ակուավիւ վայրիկեան մի շիտթուած նորա տիրաբար արտասանուած խօսքերէն , քայլ մ'առաւ դէպ յառաջ և իշխանական կերպով խնդրեց օրիորդ կոմսուհիէն՝ որ գահաւորակը մտնէ :

— Պիտի չմտնէ , սլատասխանեց Հայրն Օսլանդինի , իւր տան մէջ սլիտի մնայ :

— Ո՞վ էք դուք ուրեմն՝ որ ընդդէմ կը կենաք Նորին Պայծառութեան Աւրայի դքսին հրամանաց :



— Զեղի ի՞նչ, Ակուավիվա կոմս. իմ այստեղ դալս ուրիշ բանի համար չէ: Բայց եթէ արդեւք լինելու ձեր անիրաւ պահանջանաց:

— Անիրա՞ւ պահանջանաց. իմացէք ուրեմն օր ես իբրեւ մօրքեռայր ե իբրեւ խնամակալ իրաւունք ունիմ այս օր իբրդին վրայ՝ սորա հօր բանտարկութեան ժամանակ:

— Իրաւունք. ոչինչ են. նորա հայրն դատասարտուած չէ:

— Պիտի լինի...

— Պիտի լինի՞ դուք կ'ըսէք. ե դուք շատ յանդուդն էք, պարոն կոմս, ե միանգամայն շատ անգութ: Մտե՞ր էք դուք ուրեմն Ամենակալին դաղտնեաց խորը, որ կը համարձակիք այդպէս վճռելու. բայց այսու հանդերձ, համարելով նաև որ նա դատասարտուի, սակայն երբեք նորա դուստրն ձեր խնամակալութեան պիտի չենթարկուի:

— Ո՞վ ըսաւ ձեզ:

— Ինքն... իւր հայրն...

— Ուրեմն ս՞րուն պիտի յանձնուի:

— Ինձ...

— Զե՞ղ... բայց դուք ուրեմն ո՞վ էք:

— Կ'ուզէ՞ք տեսնել, կոմս Ակուավիվա. մօտեցիք ուրեմն այս տեղ ե նայեցէք...

Կոմսն ընտկան քերմամբ երկու երեք քայլ դէպ ի կրօնաւորը դնաց, որ միայն իրեն տեսանելի լինելու չափ՝ քացաւ իւր վեղարաւորեալ դէմքը: Ակուավիվա հազիւ թէ նշմարեց՝ ետ փախաւ՝ սաստիկ ճիչ մ'արձըկելով, ե առանց բառ մ'արտաբերելու՝ ձգեց ինքզինքը դահաւորակին մէջ, ե նշան տուաւ իւր խմբին ետ դառնալու:

Ոչ Աւլլիսիա ե ոչ նորա տան մէջ գտնուողներն տեսած չէին Հօրն Օռլանդինիի դէմքը. ամէնքն իրարու երես կը նայէին դարմացած. իսկ օրիորդ կոմսուհին չէր գիտեր

ինչ կերպով իւր երախտադիտութիւնն յայտնէր այն անձնաւորութեան որ այսպիսի անսկիւկալ կերպով ազատեց զինքն ամենամերձ վտանգէ :

Վայրկեան մ'ալ պէտք չէր փախցընել Վիլհէմ կոմսն ազատելու համար այն կորըստենէն՝ որուն ինքն արժանի եղած էր և զոր իւր թշնամիք կը փութացընէին : Հայրն Օսլանդինի մտածեց շուտով դատարանը դնալ, և յայտնեց Ալայիսիա կոմսուհւոյն որ իրեն ընկերակից լինի :

Շուտով հասան այն պալատին դրան առջև՝ ուր անաւոր արդարութիւնն կը բազմի : Անհուն բազմութիւն պատած էր պալատին չորս դին և կարծես անթափանցելի պատուար մ'էր ձեացուցիր : Կրօնաւորն ուրիշ հրնարք չբանեցուց, բայց միայն Վլադեսլու կոմսուհւոյն անունը տալու, որով իւրօքանչիւր ոք յարգանքով մէկգլխի քաջուեցաւ նորա թշուառութեան առջև : Նորա առաքինութիւններն և անսպառելի գթասիրութիւնն արդէն առակ դարձած էր ժողովրդեան բերանը, որ նորա անցնելու ժամանակ միաբերան օրհնէնք կարգացին իրեն, և կը խնդրէին Աստուծմէ որ հեռացընէ այն սուրը՝ որ նոյն վայրկենին նորա հօր գլխոյն վրայ կախուած էր : Նոյնպիսի յարգանաց ցոյց տրուեցաւ իրեն նաև նախագաւթին և այն ամէն սրահներու մէջ, զորս պէտք է կարէր՝ մինչև դատաստանին սենեակը հասնելու համար :

Այս սենեկին մէջ ուրիշ զարդ չկար՝ բայց միայն մեծ խաչ մի, որ կախուած էր սեւ չուխաներու վրայ, որք դատաւորներուն բազմոցներէն սկսեալ՝ մինչև առաստաղը կը բարձրանային : Վլադեսլու կոմսն՝ դատաւորաց առջև կանգնած՝ իւր վճիռը լսելու կը պատրաստուէր : Տժգոյն էր նորա դէմքն, բայց անայլըցլակ պընդութիւն սրտի կը յայտնէր : Այն վայրկենէն 'ի վեր՝ երբ կրօնից վսեմ միտիթարութիւններն ընդունէր էր,

որ և իցէ վատաստութեան զքացումն իրմէն հեռացեր էր, որով կը պատրաստէր ինքզինքը քաջութեամբ իւր մահուան վճիռը կրելու, իբրև արդար քառութիւն իւր եղբայրասպանութեան: Վերջին հարցախորձերուն մէջ խոստովանած էր իւր եղեւնագործութիւնը, յայտնելով թէ ինչպէս զրգուած փառասիրութենէ և դժոխային խորհուրդներէ, ժանուցեր էր երկու աւազակաց իւր եղբոր նշանները՝ զինքն սպաննել տալու համար, և թէ յետոյ իւր խորհրդական խոստովանութիւնը կատարեր էր այդ գործոյ մասին առաջի Աստուծոյ, և թէ կը յուսար որ Աստուած և իւր եղբայրն՝ վերէն իրեն թող զութիւն շնորհէն մեռնելէն առաջ ՚ի նկատի ունելով իւր զղումը: Այս բացայայտութիւնն սաստիկ կերպով յուզեր էր ամբողջ դատարանը, և դատաւորք յետ երկար վիճաբանելու՝ բերեր ներկայացուցեր էին նախագահին իրենց վճիռը. երբ յանկարծ դձնապահ պաշտօնեայն բարձրաձայն աղաղակեց. « ճամբայ տուէք սերճաչուք և բարձրապատիւ օրիորդին՝ Ալոյխիա Վլադեսլու կոմսուհոյն », Վիլչէմ և Ալուալիվա կոմսն (որ ներկայ էր դատարանին մէջ), մի և նոյն ժամանակին աղաղակ մ'արձակեցին: Առաջինն դու ժամանակ չէր ունեցած ձեռքերով երեսը ծածկելու՝ լսելով դստեր անունը, երբ սա արդէն իւր հօր բազկաց մէջ ձգեր էր ինքզինքը. ուռզելով արտասուօք, զարմանք և սրտայուզումն պատճառելով բովանդակ ժողովականաց:

— Գնատր իմ, սիրեցեալ որդեակ իմ, ինչո՞ւ եկար այս տեղ, դուչեց ողորմուկ ձայնով կոմսն, շանալով մեղմով ազատել ինքզինքը Ալոյխիայի գրկախառնութեանէն. թո՞ղ տուր, քու հայրդ այնքան եղեւնագործ է՝ որ արժանի չէ քու անմեղ գգուանքդ սցլ ևս ընդունելու:

— Ո՞չ, հայր իմ, եթէ ինչ որ քու վրայօքք գուրցուած են՝ ճշմարիտ են, դուն անոնց լիւրիւ պատիժը

քաշեր ես արդէն քու խղճմտանացդ զղջմամբ, և Աստուած քեզի ներուձն պիտի շնորհէ, գոչեց օրիորդն՝ արտաճմլիկ հեծեծանօք և համբուրելով հօրը ձեռքերը, իբրև թէ ուզէր իւր արցունքով լուալ ջնջել այն ձեռաց արատաւորութիւնը. Աստուած պիտի ներէ քեզի, և իմ արտասունքս խառնուելով քու զղջմանդ հետ քեզի համար գլխութիւն պիտի ընդունին... :

— Որդեակ իմ, դճւտոր իմ, քաղցրիկդ իմ Աւոյիսիա, ես արժանի չեմ քեզի հայր լինելու :

— Ես ալ, հայր իմ, արժանի պիտի չլինիմ որդիդ լինելու՝ եթէ այս տեղ քեզի հետ միասին չարտասուեմ :

— Որդեակ իմ, կ'աղաչեմ, կը կրկնէր կոմսն աղէտ խորշ ձայնով, կ'աղաչեմ դնա հեռացիր. դուն հիմա այս տեղ չես կարող կենալ... չես գիտեր դուն...

— Ես ամեն բան գիտեմ, հայր իմ, ամեն բան գիտեմ. բայց եթէ դուն պիտի...

Չկարողացաւ զարհուրելի բառն արտաբերել. արտասունք խղցեցին նորա ձայնը, և վառուած նոր յուզմամբ ցառոց և սիրոյ՝ գրկեց իւր դժբախտ հայրը, և յետոյ դառնալով դէպ 'ի դատաւորները՝ դոչեց. « Պարոններ, խօսեցէք, ըսէք դեռ ինչ որ ըսելիք ունիք... Եթէ թոյլ տաք ինձ՝ ես ամեն բան լսել կ'ուզեմ... և եթէ հայրս այնքան արութիւն ունի իւր սոսկալի վճիռը լսելու, նորա դուստրն ալ նուազ քաջարի պիտի չլինի... ես ինքս նորա մօտ պիտի կանգնիմ, աւելցուց՝ վերջին աստիճան սըրտայուզմամբ, և եթէ հարկ է որ նա մեռնի, ո՞վ ինձմէ աւելի կրնայ օգնել իրեն վերջին վայրկենին... ո՞վ ինձմէ աւելի կարող է լաւագոյն կերպով նորա հետ մեռնիլ... » :

Այս սրտաշարժ տեսարանն ու խօսքերն՝ ամբողջ ժողովը տակնուվրայ ըրած էին. այն ահաւոր սրահին մէջ՝ իւրաքանչիւր ոք արտասունք կը թափէր. և նոյն իսկ այն անձինք՝ որք քիչ առաջ գոհութեամբ հաւանութիւն կու



տային Վլադեսլու կոմսին դատապարտութեան վճռոյն, միայն հեծկլտանօք և լացով կը յայտնէին իրենց ցաւը՝ նորա և իւր աննման դատեր դառն վիճակին վրայ: Գատաւորներն ալ զգածուած էին, և չէին կարող իրենք զիրենք զսպել հեծեծելու կանխապէս այն վճռոյն համար, զոր բռնադատեալ էին յարդարութենէ հրատարակելու: Եւ յախազահն կարգէ դուրս յուզուած՝ նշան մ'ըրած էր ձեռքով՝ որով իւր զիջողութիւնը կը յայտնէր օրիորդ կոմսուհւոյն որդիական փափաքանացը, և պատուէր տուած էր պաշտօնէի մը՝ աթոռ բերելու, որպէս զի Ալլոյիսիա կարենայ իւր հօրը քով նստիլ, մինչդեռ հայրն ըստ օրինաց դատարանին պէտք էր որ կանգնած Ֆար: Բայց երբ աթոռը մատուցին՝ մերժեց նա, զուրցելով՝ որ իւր հօր համար լինելիք դատապարտութեան վճիռն՝ նաև իւր անձին համար էր, որովհետև հօրմէն դատ չունէր ինքն ուրիշ երջանկութեան առարկայ այս աշխարհիս վերայ, և թէ կը փափաքէր որ ինքն ալ նոյնպէս յոտընկայս լսէ արուելիք վճիռը:

Այն ատեն նախագահն ոտք ելաւ՝ հանդիսաւոր լուծութեան մէջ, և զլուխը բանալով՝ անբացատրելի սըրտայուզմամբ և զոզոջոջուն ձայնով՝ ամբաստանութեան համառօտութիւնն ըրաւ, և մէջ բերելով նոյն իսկ Վլադեսլու կոմսին խոստովանութիւնը, հրատարակեց այն վճիռը՝ որով կը դատապարտուէր նա զրկուելու նախ իւր պատուոյ տիտղոսներէն և ազնուականութեան աստիճանէն, և յետոյ մատնուելու դահճին ձեռքը, և Բրիքսէլի հասարակաց հրապարակին վրայ գլխատուելու: Հայրն և աղջիկն՝ երկուքն ալ կարծես հաւասար քաջարտութեամբ լսեցին այս ահաւոր խօսքերը. բայց նախագահին վերջին բառը արտաբերելու ատեն՝ Ալլոյիսիա իմացաւ որ թանձր և մութ վարագոյր մի իւր աչաց լոյսը կը ծածկէր... մարեցաւ ընկաւ իւր հօր բազկաց մէջ:

Ակուալիովա կոմսն՝ որ առժամանակ մի երկիւղ կրեր էր օրիորդէ կոմսուհւոյն ներկայութենէն՝ տեսնելով որ հօրը քով հասնելով՝ ամբողջ ժողովոյն կարեկցութիւնը գրաւեր էր, սրտին խորէն կ'ուրախանար իւր յաղթութեան վրայ, երբ յանկարծ Հայրն Օրլանդիին, որուն ներկայութիւնը չէր տեսած, երեցաւ իւր աչքերուն, որ բազմութեան մէջէն դուրս ելաւ՝ դէպ 'ի դատապարտեալը առաջ դնալով: Մահն Ակուալիովայի աչքերուն այնքան զարհուրելի պիտի չլինէր՝ որքան այդ կրօնաւորին երեւնալն եղաւ. ուստի դողդողալով կը սօլասէր թէ ինչ վերջ պիտի ունենար արդեօք այս նոր պատահարն: Ընդհակառակն Վլադէսլու կոմսն սրտի հաճութեամբ տեսաւ կրօնաւորին վրայ հասնելը: Եւ երբ օրիորդէ կոմսուհին սկսաւ ուշաբերիլ, Հայրն Օրլանդիին ծանր կերպով մօտեցաւ դատաւորաց բեմին, և յետ գիրենք ողջունելու՝ սկսաւ խօսիլ:

— Բաց 'ի գովեստից, տեարք իմ, (բաւ բարձր ձայնով ամբօխին ուշադրութիւնն առ ինքն գրաւելու համար, որք հետաքրքրութեամբ լեցուած այս նոր միջադէպին վերջաւորութեան կը սպասէին, իբրև յաւելածի մը այս տխուր տեսարանին). բաց 'ի գովեստից՝ ուրիշ բան չեմ կարող յայտնել ձեր 'ի դործ դրած իմաստուն կերպին վրայօք, որով քննեցիք և վճռեցիք Վիլհէմ Վանդէր Օպարէտէնի դատաստանը. բայց ուշադրութեան կարեւոր պարազայ մի կայ այս դատաւարութեան մէջ՝ որ իմ պարտքս է ձեր առջև դնել, որովհետև ներկայ գրանուող անձանց մէջ ինձ միայն ծանօթ է: Եթէ դուք Վլադէսլու կոմսը դատապարտեցիք այն պատճառաւ որ իւր եզրօր կենաց դէմ՝ եղեռնաւոր որոգայթներ լարած է, ձեր վճիռն չափէ դուրս խիստ եղեր է. իսկ եթէ կատարելապէս 'ի դործ դրուած և լրացած եղբայրասօլանութեան համար է, դուք սխալման մէջ կը դնուիք...

կրօնաւորն վայրկեան մի ընդհատեց իւր խօսիլը՝ իբրև շունչ առնելու համար: Ամենուն աչքերը նորա վերայ սեւեռած էին՝ կարգէ դուրս անհանգստութեան անձկանոք, և այնքան մեծ էր հասարակաց զարմանքն և հետաքրքրիւր ակնկալութիւնն, որ ոչ դատաւորք և ոչ նոյն իսկ նախագահն չէին մտածեր կրօնաւորին խօսքն ընդհատել: Յետ քանի մը վայրկեան ազդու միանգամայն անաւոր լուութեան՝ սկսաւ նա իւր խօսքը շարունակել ծանր և ուրոշ արտասանող ձայնով:

— Առանց դիտելու, տեսրք իմ, սխալման մէջ կը գտնուիք: Դուք դատապարտած էք Վիլհէմ Վլադեսլուկոմսը՝ յենլով երկու աւազակաց բացայայտութեան և նոյն իսկ իւր անձնական խոստովանութեան վրայ. բայց ամենքն ալ խարբուած են. Վիլհէմի եղբայրն դեռ կ'ապրի...

— Գեռ կ'ապրի... դուչեց ամբողջ ժողովատեղին մէկ բերնով, և արագ և խորին և զանազան հնչմանց դղբողիւնն արձագանգ տուաւ սրահին կամարակապին մէջ:

— Կ'ապրի, կրկնեց անբացատրելի զգացման ձայնով կոմսն Վլադեսլու. ո՛ւր է, ո՛ւր է. ինկնամ իւր ոտքերը, պազատիմ իրմէ ներուձն. .

— Եւ ի՞նչ ազացոյց, չայր իմ, կարո՞ւ էք տալ մեզի նորա ողջ լինելուն, վրայ բերաւ նախագահն՝ իւր խորին զարմանքէն արթննալով:

— Ազացոյցն ձեր աչաց առջև է, պատասխանեց կրօնաւորն, ազնուութեամբ վեր վերցընելով իւր վեզարք և դէպ 'ի թիկունքը ձգելով. ես եմ Փիլիպպոս Վլադեսլու:

— Ի՛նքն է, ի՛նքն է, Փիլիպպոսն է, դուչեցին ամեն շրթունք:

— Եղբայրս է, Փիլիպպոսն է, ի՛նքն է՞ դոր ես ըսպաննել ուզեցի, կ'ըսէր Վիլհէմ, ձգելով ինքզինքը իւր

եղբոր ոտից առջև: — Բայց յարգելի կրօնաւորն զինքն իւր բազկացը մէջ վերցուցեր էր, և իրենց արտասուքն իրար կը խառնուէին:

— Եղբայր իմ... Փիլիպպոս... ամենամեծ է յանցանքս... կը մրմնջէր հեծկլտանօք դատապարտեալն... Եղբայր իմ, թո՛ղ որ ոտքերդ համբուրեմ, ես թշուառականս արժանի չեմ ազրեղու և քու դո՛ւանքդ ընդունելու...:

— Վիւ՛հէ՛մ, վիւ՛հէ՛մ, արդէն քեզի չե՛մ ըսած՝ որ ամեն բան ներուած է, ըսաւ կրօնաւորն:

— Իւր եղբայրն, իւր եղբայրն իրեն կը ներէ, կը դռչէր ամբոխն. Աստուած ալ կը ներէ իրեն, մարդկային արդարութիւնն ալ պէտք է ներէ:

Արդէն նախազանն անձամբ հանաչելով կատարելապէս որ Մոն-Բլանդէնի կրօնաւորն էր նոյն ինքն Փիլիպպոս Վլադեալու, տեղեկագիր ուղարկած էր առ դուքսն Ալբայի, ժանուցանելով այս տարօրինակ դատաւարութեան մէջ հանդիպած ամեն մի պարագաները:

Մինչդեռ երկու եղբարք փոխադարձ արտասուօք զիրար կ'ոռոգէին, Ալբայիսիայի ուշքը բոլորովին տեղն եկած էր: Քանի մը խօսք բաւական եղան բացատրելու իրեն և հասկընելու հանդիպած իրողութիւնը: Անընդհատ իւր հօր և հօրեղբօր զրկաց մէջ դդուուելով՝ այն ատեն միայն հասկըցաւ թէ ինչ պատճառաւ այնքան խնամք և դուրս ցուցեր էր թէ՛ իրեն և թէ՛ իւր հօրը վրայ այն բարի կրօնաւորն:

Միւս կողմէն ամբոխը լսելով որ տեղեկագիր ուղարկուած էր առ կուսակալն, անհամբեր կը սպասէր պատասխանին, և պատասխանն հասնելու չուշացաւ: Մէկէն ամենախորին լռութիւն տիրեց, և նախազանն ոտք ելլելով՝ կարդաց բարձրաձայն հետեւեալ պատասխանը.



« Յանուն Նորին վհատառութեան՝ կայսերն փր-  
 յ լիպպոս Երկրորդի, թագաւորին բովանդակ Սպանիոյ  
 և Հնդկաց, Գրքին Բուրկոյնի, կոմսին Փլանդերիոյ,  
 Գրքին Բրաբանտի և այլն, և այլն, և այլն, 'ի չը-  
 նորհս փրկիպպոս վանդէր Օպտարէտէնի, կոմսին  
 վլադեալու, Նորին Պայծառութիւնն՝ Ստորին-Նա-  
 հանգաց Ընդհանուր կուսակալն, թագաւորական ար-  
 տօնագրով՝ կը շնորհէ ներումն վիլհէմ վանդէր Օպտ-  
 արէտէնի, այսու պայմանաւ սակայն՝ որ վաղը առա-  
 շօտեան՝ Սրբուհի-Գիւղիւլի-Ընկերութեան եկեղեց-  
 ւոյն դրան առջև՝ հանդիսաւոր ներողութիւն պիտի  
 խնդրէ իւր յանցանաց » :

Հազիւ թէ վճույն ընթերցումն աւարտեցաւ՝ ամբողջ  
 սրահին մէջ հնչեց դղրդաձայն ծափահարութեանց շա-  
 աչիւնն՝ բազմաբարբառ աղաղակներու հետ, թէ կեցցե՛  
 Նորին վիլհէմ-Ռեյնն՝ Ուղլու-Թագոսն. կեցցե՛  
 Նորին Պայծառութիւնն՝ Ալբրէտոսն. կեցցե՛ փելիպ-  
 վլադեալու :

Համբաւը շուտով տարածուեցաւ 'ի Բրիւքսէլ : Եւ մինչ-  
 դեռ վանդէր Օպտարէտէն ընտանիքն կ'երթային իրենց  
 շնորհակալութիւնը մատուցանելու Ալբայի դքսին՝ առ  
 վիլհէմ ցոյց տուած մարդասիրութեան համար, Ա-  
 կուալիւլա կոմսն տուն կը քաշուէր՝ սրտին մէջ կա-  
 տաղի բարկութեամբ լի, դողալով միանգամայն որ չը-  
 լինի թէ փրկիպպոս և իւր քենորդին յայտնեն կու-  
 սակալին դատաւարութեան ժամանակ իւր բռնած չար  
 ընթացքն իրենց դէմ :

Գրքսին առջև ելնելով՝ վիլհէմ նորա ոտքերն ինկաւ  
 արտասունք թափելով .

— Վիւր կանգնէ, պարոն վիլհէմ. ես քեզ շնորհեցի  
 կեանքդ և աստիճանէդ զրկուիլէ՝ 'ի շնորհս եղբորդ,  
 ըսաւ խիստ ձայնով. բայց դուն զրկուած պիտի մնաս

քու ստացուածներէդ և պատուանուններէդ, որք իրաւամբ անդրանիկ եղբորդ կը վերաբերին :

— Երանի՛ թէ, տէր իմ, գոչեց Վիլհէմ, երանի՛ թէ ընաւ փառասիրութիւն ունեցած չլինէի զանոնք ունենալու : շատ մը վշտերէ և խղճմտանաց խայթերէ ազատ մնացած կը լինէի :

— Իսկ ես, տէր իմ, իրեն կը թողում այն ամենը, ըսաւ Փիլիպպոս . ես քահանայ եմ և կրօնաւոր, և ինձի բանի չին դար երկրաւոր մեծութիւններն . . . բան մի զուրցեմ, եղբայր իմ, վրայ բերաւ՝ տեսնելով որ Վիլհէմ ընդհատեւ կ'ուզէր իւր խօսքը . եթէ դուն չես ուզեր ընդունել զանոնք՝ թող ծառայեն իբրև օժիտ իմ եղբորորդւոյս՝ քու դստերդ Ալոյխիայի, որ այնքան բարեպաշտ է և անձանուէր :

Ոչ ոք բան կրցաւ զուրցել այսպիսի կարգադրութեան վրայ : Ալոյխիա ընկաւ իւր հօրեղբոր բազկաց մէջ՝ ուռագելով արտասուօք : Յարգելի կրօնաւորն խնդրեց Աբայի դքսէն՝ որ ներէ իրենց դէպ 'ի հայրենական պալատնին գնալու, ուր իրենց իբրև յաղթանակի ընդունելութիւն մ'եղաւ :



ՅԻՇԱՏԱԿԻ ԱՆՅԵԼՈՅՆ ԵՒ ՎԵՐՋԱԲԱՆ



**Յ**ԱՋՈՐԳ օրը մինչդեռ վիճէմ՝ Ամբոյի դքսին պալա-  
տը կանչուելով՝ կը կատարէր խոնարհութեամբ հանդիսա-  
ւոր ներուձն խնդրելու ախուր արարողութիւնը, Փի-  
լիպպոս պատմեց կուսակալին թէ ինչ կերպով ազա-  
տուած էր իտալիայի մէջ մարդասպանաց հարուածնե-  
րէն : Մարդասպանը շատ մի դաշոյնի հարուածներով  
զինքը վիրաւորեր էին Պոմպիլիանի գղեկէն քիչ հե-  
ռու . բայց երբ մեռած կարծելով՝ հեռացեր էին՝ իրենց  
գործած եղերան վրայ խօսակցելով իրարու հետ . կրօ-  
նաւոր մի ջորւոյ վրայ հեծած՝ անցեր էր այն տեղէն :  
Բարի Սամարացոյն նման՝ իջնելով իւր գրաստէն մօ-  
տեցեր էր առ այն՝ զոր դիակ կը կարծէր, բայց դեռ  
չներմութեան մնացորդ տեսնելով վրան բառնալով իւր  
գրաստին վրայ վանքը տարած էր :

“ Վէրքերս խնամով դարմանուելով, շարունակեց Փի-  
լիպպոս, շուտով ինքզինքս դտայ : Քանի մը բառեր՝  
զորս մարդասպաններէն լսեր էի, ինծի հասկըցուցին  
իրենց եղեռնագործութեան պատճառ և հանցուցին  
այն անձն՝ որ զիրենք յորդորեր էր ՚ի սպանութիւն :  
Այս ծանօթութիւնս ինձ արհամարհել տուաւ այնպիսի  
աշխարհ մի ուր այնքան ամեն տեսակ նենգաւորութիւնք  
կը գտնուէին : Որոշելով որ եղբօրս պատիժը յանձնեմ  
իւր խղճմտանաց խայթերուն, հազուեցայ կրօնաւորի  
զգեստը, և վանքին մեծաւորէն խնդրեցի՝ որ արգելու

իւր կրօնաւորաց երբեք չխօսելու այս դիպուածիս վըրայ, որպէս զի առանձնակեցութիւնս չյայտնուի :

« Շատ տարիներ խաղաղութեամբ անցուցի այն միայնարանին մէջ, և միայն սուրբ կարգերն ընդունելու ժամանակս իմացուցի Սրբազան Քաջանայապետին իմ սով լինելս : Կը փափաքէի հայրենիքս տեսնել և այնտեղ ամենէն անժանօթ ապրիլ : Նորին Սրբազնութիւնն յանձնարարական թղթեր տուաւ ինձ՝ ուղղեալ առ Աբբայն Սուրբ Պետրոս վանաց, որ Կանդի Մոն-Բլանդէնի վըրայ հիմնուած էր, և ես ընդունուեցայ այն վանքին մէջ Հայր Ազոսախնոս Օսլանդինի անուան ներքե :

« Պատահած դէպքերը մտածելով՝ ինքզինքս երջանիկ կը համարիմ՝ որ կարող եղայ եղբայրս ազատել, և շքանորհակալ եմ Աստուծոյ որ պարզեց դարձեալ եղբորս դատեր՝ իւր հօրը կեանքը, հօր մի՛ զոր այնքան գորովանօք կը սիրէ : Երկինք ամենամեծ երջանկութիւն շնորհեց ինձ կարենալու ներել այն անձին՝ որ երբեմն իմ կենացս դէմ որոգայթներ լարած է. թշուառ եղբայրս արդէն բաւականէ աւելի պատիժ կրած է իւր խղճի խայթերէն, և իւր զղջումն կը ջնջէ իւր եղեռնագործութիւնը : Ինքն ալ՝ ինչպէս երբեմն Գաւիթ մարգարէն՝ լուա առ Աստուած. Չօիրտ բեկեալ և ըզխոնարհ, Աստուած, մի՛ արհամարհեր, և Աստուած իւր աղօթից լսեց : Նորա դուստրն զղջման գործը լրացուց, վասն զի անմեղին թափած արտասուէքն՝ աստուածային գթութեան կշիռքին մէջ մեծ ծանրութիւն ունին » :

Ամբայի դուքս թէպէտ և անդգայուն և խստասիրտ ընաւորութեամբ մէկն էր, սակայն շատ յուզուեցաւ յարգելի կրօնաւորին պատմութենէն : Կը սքանչանար քրիստոնէական այնքան անձնանուիրութեան, այնքան խորին խոնարհութեան, այնքան սերտ սիրոյ և մանաւանդ այնքան անկեղծ, ճշմարիտ անյիշազարութեան և



այնքան լիուլի ներողամտութեան վրայ, որք կրօնաւորին սրտէն կարծես դուրս կը զեղանէին: Խորին մեծարանք ունեցաւ դէպ ՚ի նա, և միայն նորա ունեցած արժանեաց համար կարծես մոռացաւ բոլորովին այն և զեռնագործութիւնը որ նիւթ հղած էր Վիլհէմի դատին, և հետեւեալ թոյլ տուաւ որ վերջինս շարունակէ կրելու իւր կոմս Վլադեսլու պատուանունը:

Ամենաքաղցր եղաւ երկու հղբարց համար ալ այն վայրկեանն երբ վերագարձան իրենց պալատը, ուր իրենց նախորնթաց կենաց այնքան տարիները միասին անցուցեր էին: Դարձեալ միացած լինելու ուրախութիւնն ին ամեն անցեալ տխուր յիշատակները կը փարատէր: Ամեն ծառաներն և մանաւանդ ծերունի տեսուչն՝ չէին դիտեր ինչ կերպով յայտնի ընէին իրենց սքանչացումն և սրտի հրճուածքը: Աւրջիտիա իւր յարգելի հօրեղբոր ծունկերուն փարեկով՝ նորա ձեռքերը արտասուօք կը թրջէր. « Աստուած է՝ որ ամեն բան տնօրինեց, կը կրկնէր կրօնաւորն յուզեալ ձայնով, նորա զթութիւնն անսահման է. ինքն է՝ որ կը ներէ և կ'օրհնէ, ինքն է՝ որ կը միացընէ բաժանեալները և կը միութարէ: Վիլհէմ, երջանիկ եմ ես . . . բայց սակեց վերջը զեռ աւելի երջանիկ պիտի լինիմ քու երջանկութեանդ պատճառաւ . . . Վիլհէմ չէր կրնար այնպիսի բացատրութիւն մի դանել՝ որ յայտներ իւր սրտին խորը յուզուած զգացումները. « Ա՛լ ես իմս չեմ, ըսաւ վերջապէս, ամեն բան քեզի կը պարտիմ, խաղաղութիւնս, պատիւս, կեանքս, փրկութիւնս. բոլոր իմ կեանքս այսուհետեւ քեզի նուիրուած պիտի լինի »:

Երեկոյցին՝ երբ սրտերու կարգէ դուրս յուզմունքներն փոքր ինչ հանդարտեցան, Վիլհէմ խնդրեց հղբօրէն քանի մը մանրամասն ծանօթութիւն տալ այնպիսի սքանչելի դիպուածի մը պարագաներուն վրայ: Շատ

դժուարութեամբ գիշաւ կրօնաւորն այս խնդրոյն՝ չուզե-  
 լով դառն յիշատակները արթընցընելու . բայց չկարողա-  
 ցաւ դէմ դնել եղբօրը թախանձանաց, և պատմեց հա-  
 մառօտ կերպով ինչպէս ըրած էր Ալբայի դքսին, թէ  
 որպիսի օգնութեամբ ազատած էր Նախախնամութիւնն  
 իւր կեանքը : « Վանք մտնելէս վերջը, աւելցուց, մէկ  
 հատիկ խնամքս եղաւ ծածկելու աշխարհէս այն սխա-  
 լանքը՝ զոր ՚ի դորձ դրած էր վայրկենական մուրու-  
 թեամբ այն անձն՝ զոր Երկրիս վրայ ամենէն աւելի կը  
 սիրէի : Մեծաւորն ինձ խոստացաւ անդրժեի դադունիք  
 պահելու զայն, և տեղեկութիւն կու տար ինձի այն ա-  
 մեն զորժերու վրայօք՝ որք Հոսովմայ մէջ եղած դէպքին  
 հետ յարաբերութիւն ունէին : Աստուած այս շնորհքն  
 ըրաւ ինձի, Վիլհէմ, որ քեզի դէմ բնաւ ամենեին և  
 ոչ թեթեւ անդամ վրէժխնդրութեան զգացումն չունե-  
 ցայ երբեք . և մանաւանդ թէ փութացած պիտի լինէի՝  
 առողջութիւնս հաստատուելէ անմիջապէս յետոյ՝ գալու  
 ձգելու ինքզինքս քու բազկացդ մէջ, եթէ վախ զգացած  
 չլինէի իմ ներկայութեամբս քու կենացդ մնացած օրերը  
 թունաւորելու : Այժմ կրնամ բնել քեզ, Վիլհէմ, ա-  
 ւելցուց կրօնաւորն՝ սեղմելով իւր եղբօր ձեռքը . որ հա-  
 մարեցայ թէ աւելի օգտակար կրնամ լինել քեզի՝ իմ  
 կեանքս, որ այնպիսի հրաշայի կերպով ազատուած էր,  
 նուիրելով Սուրբ Սեղանոյն պաշտաման և սուրբ կըր-  
 թութեան ապաշխարութեան : Վանքին յարգելի առաջ-  
 նորդն կը խրատուէր զիս առաջադրութեանցս մէջ, և  
 կը բացայայտէր ինձ՝ որ երկրիս կարծեցեալ մեծութիւն-  
 ներն, որոցմէ հրաժարելովս իբրև թէ զո՛հ մի կատարած  
 լինէի, ոչինչ են անանցանելի բարեաց առջև : Արբօր  
 սիրտս երկրաւոր մտածութիւններէ տարուբերուած՝ կը  
 յուզուէր բազդատութեամբ անցելոյն և ներկային և  
 ապագային, այն խմաստուն բժիշկն կը հանդարտեցընէր

չուտով կրած խոտլուծիւններս, և կ'ուսուցանէր ինձ ճշմարիտ հաճոյք գտնելու այն նոր կենաց մէջ զոր ընդ-  
 դրկեր էի : Եւ յիրաւի, երբ բաղդատուծեան կը ձը-  
 դէի Նախախնամութեան ինձի պարզեւած ապաստա-  
 նարանին մէջ թագաւորած խաղաղութիւնն և հանդար-  
 տութիւնը՝ աշխարհի խոտլուծեան և խառնակութեան  
 հետ, երբոր չորս կողմս անսնուած բարեխորտութիւնը,  
 սէրը, անձնանուիրութիւնը կը զուգակշռէի այն վաս  
 կըրերուն հետ՝ որք կը տանջէն մարդկանց շատերուն  
 սիրտը, ինքզինքս երջանիկ կը համարէի՝ որ այնքան  
 վշտերէ և դառն մտատանջութիւններէ ազատած էի :  
 Մտածութիւն մը միայն՝ որ ստէպ ստէպ դիս կը կե-  
 ղեքէր, և որուն դէմ ամեն առաջադրութիւններս կը  
 փշրուէին՝ հօրս յիշատակն էր, որ... » :

Այս վերջին խօսքերուս՝ Վիլհէմ ցաւագին ազաղակ  
 մ'արձակեց, և զողջօջուն կերպով սեղմելով կրօնաւո-  
 րին ձեռքը. « Ո՛հ, եղբայր իմ ըսաւ, եթէ գիտնայիր  
 թէ որչափ անգամ քու յիշատակիդ հետ կը խառնուէր  
 մեր ծնողին յիշատակը, որուն մահը ես ինքս երազե-  
 ցի... եթէ գիտնայիր թէ այս մտածութիւնն ինչպիսի՞  
 զարհուրելի խղճի խայթերու մատնած է սիրտս. ո՛հ... » :  
 Առատ արտասունք յաջորդեցին Վիլհէմի այս զգացմանց  
 արտայայտութեան, որովք ողողուած էր նորա սիրտն :  
 Յարգելի կրօնաւորն երկար ատեն լուռ թեաց, որպէս  
 զի ազատ աստարէզ տայ այն արտասուաց և ողբոց՝  
 որք կը մխիթարէին իւր թշուառ եղբայրը : « Լիցուր,  
 ըսաւ վերջապէս, լիցուր, եղբայր իմ, կ'աղաչեմ պա-  
 զատանօք. այդ մանրամասնութիւններն ինձ կարևոր են,  
 կարօտ եմ ես անոնց իմ վրաս աղաթ յուզմանցը...  
 Ո՛հ, կը յիշեմ և երբէք մտքէս պիտի չեղնեն հօրս մա-  
 հուան ժամանակին առ իս ուղղած վերջին խօսքերը...  
 Քու յիշատակդ միշտ իւր մտաց առջեւն էր, անունդ

չրթանցը վրայ՝ մինչև վերջին շունչը տուած ատեն։ Երբէք պիտի չմոռնամ այն հանգիսաւոր վայրկեանը՝ երբ յարգելի ծերունւոյն ուժաթափ ձեռքերն իմ վրաս հանգչեցան զիս օրհնելու համար. — Վիլհէմ, ըսաւ ինձ նուազեալ ձայնով, դուն որդւոցս վերջինն ես և միակ մնացածն. Աստուած պահապան լինի քեզ, որդեակ իմ... եղբայր մ'ունէիր՝ որ օրինակ էր ամեն առաքինութեան. զարհուրելի ձախորդութիւն մի խլեց յախշտակեց զինքը մեր դրկէն. նորա մահն իմս ալ եւրազեց. բայց այն սիրելի որդւոցս յիշատակն, այն վրաստանութիւնն թէ նա ինձի և քեզի համար կը բարեխօսէ առ Աստուած, որուն այնքան հաւատարմութեամբ ծառայեց, վերջին ժամուս քաղցրութիւնը կը պատճառեն... Մահուանս սցո վայրկենին, Վիլհէմ, մէկ բան միայն կը յանձնարարեմ քեզի, որ անուանս և ստացուածոցս ժառանգ եղած ատենդ՝ ջանաս ժառանգ լինել նաև անդրանիկ եղբորդ առաքինութեանց... — Այս խօսքերս զորս յարգելի ծերունին այնպիսի հանդիսական պարագայի մէջ արտաբերեց՝ սիրտս կեդեքեցին։ Ծունր դրի՝ առանց բառ մ'ալ հնչել կարենալու. մահուան քրտինք թափեցաւ երեսէս. և երբ հայրենի աջն վերջին անգամ մ'ալ խաչին նշանը դրոշմեց դըլխուս վրայ՝ ճակատս աւելի սառն էր քան թէ օրհասականին պաղած մատերը։ Այնքան անարժան կը համարէի ինքզինքս այն յետին օրհնութիւնն ընդունելու, որ շրթունքս բացուեցան զարհուրելի եղեռնադօրժութիւնս խոտտովանելու. բայց Աստուած չթողուց՝ որ այնպիսի քսամեկի դաւաճանութեան մի յայտնութիւնն՝ մեր եղկելի հօր վերջին վայրկեանները թունաւորէր։ Հիմա վերահասու կը լինիմ որ քու ազնուասիրտ ներողամտութիւնդ և յանձն առած դիցազնական զոհեղած է պատճառ՝ որով ընդունեցայ հայրենի օրհնու-



Թեան ամենամեծ շնորհքը . փոխանակ անիծից՝ որուն արժանի էի » :

Հօրս մահն , վրայ բերաւ բարի կրօնաւորն , քիչ յետոյ ծանօթ եղաւ ինձ այն տեղեկութիւններէն՝ զորս անուղղակի կերպով ձեռք կը բերէի այն ամեն բանի վրայօք՝ որք յարաբերութիւն ունէին մեր ընտանեաց հետ : Այն օրէն ՚ի վեր աւելի ևս բաժնուեցայ աշխարհէս , և շատ տարիներ անցուցի՝ միայն կենացս մէջ գործած յանցանացս քաւութիւն գտնելու դրազանօք , և եղբորս վրայ երկնային շնորհքներն իջեցընկելու մաղթաւնօք : Եւսմանակիս մի մասն նուիրած էի աստուածաբանական ուսմանց : մեծաւորներս պատշաճ դատեցան սուրբ կարգերն ինձ շնորհելու : Իմ բերումս էր նուիրելու ինքզինքս առաքելութեան վիճակին , բայց այս փափաքանացս սաստիկ կը հակառակէր այն զգացումն՝ որով կ'ըզձայի հայրենիքս տեսնելու : Աւելի պատշաճ և օգտաւէտ դատեցին մեծաւորներս՝ որ այս վերջինը կատարեմ . . . և այս որոշողութեանս մէջ ալ դարձեալ կը սքանչանամ Աստուծոյ նախախնամութեան վրայ , որ չուզեց այնքան հեռաւոր ծովերու ասպարիզով իմ հեռանալս , որով պիտի չկարենայի անհրաժեշտ ներկայութեամբս ազատելու եղբայրս ամենադառն թշուառութիւններէ : Յաւօք մեկնեցայ Հռովմէն , վանքէս և խոնարհ կրօնաւորներէն , որք ինձի նկատել տուեր էին երկրիս վրայ երկնային խաղաղութեան հիանալի տեսարանը : Հասայ հայրենի երկիրս՝ սրտի մեծամեծ յուզմամբ , ուր միտքս դրեր էի սպրիւ ու մեռնիլ՝ անծանօթ մնալով ամենուն և ամեն առտեն , Բրիւքսէլ եկած ատենս՝ հայրենի տուններնիս տեսնելու փափաքանացս ընդգիմացայ , բայց չուզեցի զրկել զիս այն անհաւելի հաճոյքէն՝ զոր զգացի Ս . Գիւղիւլի եկեղեցին երթալով աղօթելու , ուր մեր մանկութեան օրերուն՝ մեր ընտանեաց հետ միասին կ'երթայինք . Աստուա-

ծածնի սեղանին առջև ինկած, ծունր դնելով այն աղօթարաններուն վրայ՝ ուր շատ անգամ ծնրադիր աղօթեի էին բարեպաշտ մայրերնիս և յարդելի հայրերնիս, սիրարս Աստուծոյ առջև կը զեղուի: Դու ինքզ, Վիլհէմ, դու ինքզ էիր մանաւանդ նիւթ իմ արտասուախառն ազաչանացս: Այն արտասունք դառնութիւն չունէին բնաւ. առատ կը հոսէին և կ'ոռոզէին մատրան յատակը: Աստուած անբացատրելի խաղաղութիւն մը կը թազաւորեցրնէր սրտիս մէջ: Այսքան խռովայոյզ կենաց ասանջանքներէ վերջը կը հեռատեսէի երջանիկ ապագայ մի, և առանց կարենալու նախատեսել այն պարագաները որ զմեզ պիտի մխաւորէին դարձեալ, այն վայրկենէն զգացի որ յուսոյ քաղցր նշոյլ մի ծագեց սրտիս մէջ: Երկու ժամ այս գիրքիս մէջ մնայի, այնպիսի երջանկութիւն մի զգալով ոչոյ զազատարը չեմ կարող տալ: Զուգելով երկար ժամանակ Բրիւքսէլ մնալ՝ գնացի շուտով Մոն-Բլանդէն. ուր արքայն ընդունեցաւ զիս ամենամեծ սիրով: Շատ անգամ զքեզ տեսնելու և զրկելու և սիրոյս հաւաստիքը ցուցնելու փափաքն սրտէս կ'անցնէր. բայց վախելով որ յայտնուիլս կասկածներ արթընցընելու պատճառ լինի, և մանաւանդ այս մտածելով որ նախախնամութիւնն ինքնին մեր միանալուն պարագաները պիտի մատակարարէր՝ իմ մահացուցումս դեռ շարունակելու հաստատամտութիւն կու տային: Օր մի՛ նամակ մի գրեի էի քեզ՝ կարճ և սիրալիր, աւետելով որ կեանքս պահպանուած էր զքեզ սիրելու և քեզի նուիրուելու համար. դարձեալ քեզի անհանգստութիւն պատճառելու և սրտիդ խռովութիւնը շապրնելու վախն զիս ետ կեցուց. և ես ալ այն օրէն՝ ի վեր անդառնալի որոշումն ըրի՝ վանքի ընտրութեան մէջ թաղելու ստեն իղծերս և փափաքներս, լիուրի վստահութեամբ յանձնելով զիս աստուածային նախախնամող կամաց: Ամեն օր մատուցած սուրբ պա

տարազիս դիտումը, կը նուիրէի քեզի համար. ժամանակն՝ որ սաստիկ վառվռուն երեւակայութիւններն անգամ կ'անհետացնէ և ամենազօրաւոր սէրը կը տկարացնէ, օրէ օր աւելի ևս կ'ը վառէր այն քորքօքուած փափաքս՝ որով քու երջանիկ լինելը կը բաղձայի: Իրաւ է որ աշխարհիս առջև դուն երջանիկ կ'երեւնայիր: Անսահման հարստութեան և բարձր պատիւներու ժառանգ, հասարակաց մեծարանքով շրջապատուած, հայր որդւոյ մի՛ որ օրինակ համարուած էր լիուրի առաքինութեանց, անխռով երջանկութեան վայելուց կը կարծուէիր. բայց ևս չէի կարող անգիտանալ թէ սրչափ դառնութիւններով թուանաւորուած էր քու կեանքդ անցելոյն յիշատակօք: Այս մտածութիւններով զբաղուած էր միտքս մանաւանդ մեր անկարծելի ծանօթութեան նախընթաց շարժումն մէջ: Սրբոյ Կուսին բարեխօսութիւնը խնդրելով՝ իննօրեայ յատուկ ջիւղեւանութիւն մի կատարած էի առ Աստուած: Առանց որոշ դադարիս մ'ունենալու լինելիքին՝ վիճակիդ վրայօք անհանգիստ էր սիրտս. կարծես ձախող պատահարներու և դժբախտ կատարածի մը նախազդացուցի կը կրէի: Երբէք չէի կարող երեւակայել անգամ ինչ որ մեզի համար սահմաններ էր աստուածային նախախնամութիւնն, և այն զարմանալի պարադաները՝ որովք պիտի միացնէր ինքն երկու մէկմէկէ բաժնուած սրտեր, որք զիրար սիրեւու այնքան յարմարաւոր ստեղծուեր էին ։

Այս վերջին խօսքերս արտասանած ատեն, յարգելի կրօնաւորին աչքերէն քանի մը խոշոր կաթիլք արտասուաց թափեցան. և յլիճէմ ձեզից դարձեալ ինքզինքը նորա բազկաց մէջ և քանի մը վայրկեան նորա կուրծքին վրայ սեղմուած մնաց. « Ամեն բան քեզի պարտական եմ, ըսաւ իւր հըքօր, և եթէ ինձի համար պիտի ծագի երջանիկ օրերու ապագայ մի՛ այն ալ եղբայրական սիրոյդ և

եռանդուն աղօթիցդ արդիւնք պիտի լինի: Կենացս մնացած ժամանակը դուն պիտի լինիս իմ զօրավիգս և առաջնորդս, ինչպէս եղար ազատարարս. քեզի պարտական եմ կեանքս. քեզի պիտի պարտիմ նաև փրկութիւնս »:

Յաջորդ օրը Ս. Գիւղիւթի ընդարձակ եկեղեցին կանուխ լեցուած էր անհամար ժողովրդեան բազմութեամբ: Հաւատոց այն եռանդուն դարուն մէջ՝ ամեն բանէ առաջ իշխա Սատուծոյ օգնութիւնն կը հայցուէր նեղութեանց ժամանակ, և դոճութիւն կը մատուցուէր բարեբախտ դիպաց մէջ, որք կամ տէրութեան և կամ ընտանեաց ուրախութեան առիթ կը լինէին: Հայրն Օրլանդիին հանդիսաւոր պատարագ պիտի մատուցանէր՝ Սատուծոյ առինքն ցուցած երախտեաց շնորհակալ լինելու համար: Կարգէ դուրս ամփոփումն և ջերմեռանդութիւն տիրած էր ամբոխին վրայ, ամեն ոք սուրբ և վառ սրտայուզմամբ զբաւուած էր՝ տեսնելով սեղանին դիմաց ծունր դրած Վիլհէմ կոմսն և իւր Ալոյխիա դուստրն՝ ամենախորին խօսման մէջ ընկղմած: Երբ յարգելի կրօնաւորն Փիլիպպոս Վլադեսլու կոմսն, որ քսան տարիներէ ՚ի վեր մեռած կը համարուէր, երեցաւ քահանայական պատարագի զգեստներով զարդարուած՝ ակամայ սարսուռ մի մեծարանաց և զարմանաց ամբողջ ամբոխին վրայ տիրեց: Ամենուն աչքերն կը դառնային մերթ դիտելու սուրբ Սեղանոյն արժանաւոր պաշտօնեայն, որ այնքան երկար տարիներ դիւցազնական անձնանուիրութեամբ աշխարհէս ծածկուած մնացեր էր, և մերթ նորա եղբօր վերայ, որ թէպէտ և մեծ յանցաւոր էր՝ այլ նաև մեծ ապաշխարող եղած էր, և մերթ բարեպաշտութեան և առաքինութեանց այն հրեշտակին վրայ, որոյ անմեղութիւնն իւր ընտանեաց վրայ իջուցեր էր երկնից օրհնութիւնը:




Հաղորդութեան հանդիսաւոր վայրկենին Վիլհէմ և նորա դուստրն ամենամեծ ամփոփմամբ դէպ 'ի սեղանը մօտեցան, և կրօնաւորն բաշխեց իրենց երկնաւոր և աշնապական Հացը՝ զԳառնն Աստուծոյ: Այս վսեմ և սրբատաշարժ տեսարանս ամեն ներկայ եղողաց արտասուաց պատճառ եղաւ. ամենքը ծունր գրին եկեղեցւոյ աստիճանաց վրայ և դեռնամած՝ օրհնեցին զԱստուած բարութեան և սիրոյ, որոյ զթութիւնն բազմապատիկ եղած էր այն երբեմն ցրուեալ ընտանեաց վրայ:

Երբ սուրբ պատարագին մատուցմանէն վերջը Վլադեալու կոմսերն իրենց պալատը դարձան, ամբաւ բազմութիւն մարդկանց ընկերակից եղաւ իրենց մինչև բնակարանին դուռը: Ամբոխին պատկառանաց լուծիւնն կ'ընդհատուէր միայն կէցցէներու աղաղակաւ 'ի պատիւ յարդելի կրօնաւորին, և սրբազան երգերու ներդաշնակութեամբ:

Հայրն Օռլանդինի (այս անուամբ մենք զինքը կը ճանչնանք) քանի մ'օր միայն մնաց եղբորը տունը. հակառակ ամենայն թախանձանաց Վիլհէմի՝ համոզեց նա իւր եղբայրը որ իւր կրօնաւորական պարտքն կը բռնադատէր զինքը վերադառնալու 'ի վանս: Մեկնելու տունն՝ Վիլհէմ ձգեց ինքզինքը նորա ոտից առջև, թախանձագին խնդրելով որ իւր օրհնութիւնը շնորհէ և աղաչելով որ նորանոր շնորհք և լոյս խնդրէ իրեն համար Աստուծմէ. « Մտածութիւն մ'ունիմ, ըսաւ բաժնուելու վայրկենին. Աստուած որ զայն ինձ ազդեց՝ ինքը միայն կարող է 'ի գործ դնելու միջոցներն ալ ինձ շնորհել »:

Քանի մ'ամիս վերջը Վիլհէմ կուսմա՝ որ իւր դատեր ամուսնութեան կատարուելուն կը սպասէր՝ որպէս զի ինքն ալ աշխարհիս հրածեշտ տար, պսակել տուաւ զինքը Արէմբէրգ ազնուական տոհմին իշխաններէն միոյն հետ. յետոյ առանձնացաւ Մոն-Բլանդէնի վանքը՝ իւր օրերը

լմընցընելու իրեն յարգելի հղբօր քով: Մեռաւ նա հղբօրը մահուրնէն քանի մը տարի վերջը՝ երջանիկ և սրբապակեաց ծերութեամբ, գրեթէ տասն և հինգ տարի բարեպաշտական դործոց և ազաշխարանաց մէջ իւր օրերն անցընելով, և ամեն օր իւր հղերան վրայ լալով, և խընդրելով նաև յԱստուծոյ այն թողութիւնը՝ զոր այնքան ազնուութեամբ ընդունեալ էր իւր ամենալաւ և ամենասիրելի հղբօրէն:









663-668

2013





